

古今治平畧

古今治平畧卷之三十二

豫章

弟

健手強敵靖

撥千美父訂

桐溪

鍾名臣鼎揚父較

馭夷篇

下

國朝馭夷

高皇帝受命廓清四海東南底定元年命太師北伐既克燕都元主遁出塞居開平蓋自是百餘年腥穢之氣以掃無餘而堯禹舊服始大歸一統矣然遺

孽胤居沙漠離合嘯聚叛服靡常。明年進克開平元  
主奔應昌三年元主殂我師復克應昌獲天子璽寶  
主冊并其孫買的理八刺及后妃諸王以來而太子  
愛猷識理達剌宵跳身遁於是追謚故元主爲順帝  
以順天命北避故也封買的里八刺爲崇禮侯而愛  
猷自帝於虜中五年春命大將軍達出大同趨河  
林征西將軍勝出臨洮攻甘肅征討將軍文忠出北  
平攻上都分道出擊胡大將軍以運阻完師還勝取  
甘肅文忠擣應昌馳薄土刺河戰疲力窮騁海而還

久之遣崇禮侯北歸時愛猷埒次子脫古思帖木兒  
立丞相驢兒哈刺章蠻子及國公脫火赤平章乃見  
不花等數寇塞十四年大將軍達率諸將討之至北  
河襲灰山大克獲而返而納哈出猶據金山寇遼東  
納哈出者元木華黎裔孫也大將軍克燕時獲之  
上待之如子然居恒不樂遣之歸納哈出因聚衆至  
二十萬輜畜饒於虜主宋國公勝率諸將往繫之抵  
金山招諭弗聽進兵逼其營納哈出遣使陽納款覘  
我師勝遣永昌侯玉往受降納哈出見玉至喜與飲

酒歡甚酌酒酬玉玉解衣衣之曰君服此我乃飲納  
哈出不肯服玉亦持不飲爭之急納哈出怒取酒澆  
地顧左右咄咄語欲脫去時鄭國公常茂爲輔行茂  
麾下趙指揮者解胡語以告茂茂直前搏納哈出牽  
其臂不得去遂擁以來時納哈出所部將士尚二十  
餘萬在松花江北聞之大驚潰勝急遣降者觀童前  
往諭降其衆而還遂班師納哈出至都下封海西侯  
二十一年永昌侯玉元大將軍出大寧北擊虜進抵  
慶州開虜王脫古思帖兒在捕魚海兼程進去海四

十里而軍不見虜欲還副將王瑄曰將士累戰十萬里人虜地勞費甚而不見虜自還何所藉乎見王上乎玉乃令諸軍穴地而襲毋令虜見煙火乘夜疾抵海乃知虜王營在海東北八十里亟薄之會大風揚沙晝晦虜不意我師猝至則大驚急與其太子天保奴從十餘騎跳身遁玉追之不及獲其小子地保奴等及妃王官酋輜重而還脫古恩帖木兒既遁免欲往和林依丞相咬住行至土刺河爲其臣也連迭兒襲殺部落潰散餘黨捏怯來等尋聽招諭以衆降於

是虜益衰終

高皇帝世脅息遠遁不敢大爲寇

而○上亦大建諸王藩北邊○璽書時下惟詰戎制

虜爲務○虜自脫古殺後諸大臣立坤帖木爲可汗猛

哥帖木兒爲瓦剌王○建文三年坤帖木兒死鬼力

赤立爲可汗乃去國號復稱韃靼○獨所部大酋猶稍

稍仍漢官名○永樂初○上書諭鬼赤力可汗令通

好不報四年復以書○諭之亦不報久之鬼赤力以

非元裔衆不附而弑太師阿魯台○統有部落乃迎順

帝後本雅失里而北立爲可汗而先時其強臣猛哥

帖木兒者據瓦剌死而衆分爲三曰馬哈木曰太平  
日把禿孛羅不肯與可汗朝貢因上表貢珍異請封  
詔封馬哈木爲順寧王太平賢義王把禿孛羅安樂  
王復遣給事中郭驥使可汗諭通好虜殺驥不  
報上遣淇國公福統五將軍出塞擊之諭福曰  
本雅失理逆天道羈信使故命爾徂征爾必戒之出  
開平而北卽不見虜必時時如對敵日夜嚴斥望卽  
遇虜設奇奮擊切輕敵不得便卽止毋爲虜所紿福  
出塞率千餘人先至臚朐河遇虜游兵擊敗之遂乘



勝渡河獲虜尚書一人飲之酒問可汗安在尚書言  
可汗聞大軍至欲北遁去此可三十里福喜曰可疾  
馳擊擒此虜矣時大軍未集諸將皆以爲此誑我不  
可信不聽令虜尚書爲鄉導徑前薄虜營虜佯敗欲  
致我令深入福銳意乘之安平侯李遠泣諫曰將軍  
輕信鐸者言懸孤軍至此虜示弱徂我也將退欲乘  
我進且覆我微疲極取我耳將軍獨不念行時上  
勅諄戒乎計獨宜結營陳自固晝揚旗伐鼓出奇兵  
此之夜多燃炬鳴砲張軍聲使虜人莫測一二日大

軍至并力畢擊之何不克也卽不然得全師而還足矣武城侯聰亦力言福不聽馳馬揮士卒直前進薄虜諸將不得已從之而五將軍之師皆敗沒上聞之震怒念虜不大創不靖也欲勞其庭種滅之乃

召諸將議親征第患道遠轉餉難尚書原吉議用武剛車三萬輛約運糧二十萬石踵軍行過十日請築一城貯之畱軍守再十日又如之庶濟師上曰善如其計名所築城曰殺胡曰平胡八年春三月發京師大閱於鳴鑾鎮出塞至清水原地鹹鹵水泉不

可食軍苦渴

上默禱而泉沛出

賜名神應泉夏

四月次滌海五月至幹難河幹難河者元太祖始興地也本雅失理率衆戰大敗絕迹遁虜酋阿魯台請納款且請得并女直諸番以內附侍臣多請許之學士黃淮曰虜狼子野心散則易制使得并爲一則勢專難圖殆不可聽也上太息曰淮如立馬高岡無遠不見他人平地見止目前耳乃不許平大破之靜虜鎮於玄石坡勒銘焉於禽胡山勒銘焉於清泉流勒銘焉乃班師秋七月還京是役也士乏饌上命

以御膳所儲給三軍軍食已乃食次開平張宴大酺  
將士士醺已乃肉食蓋恩念如此時阿魯台與木雅  
失里君臣已各部而居明年瓦剌馬哈木等乘本雅  
失理弱滅之阿魯台窮蹙南保塞乞降上曰虜黠  
謾難信然天地之仁主覆育奚擇哉遂納貢使封阿  
魯台爲和寧王瓦剌貢使遂不至十二年上親征  
皇太孫從夏六月次撒里怯兒江遇虜與戰斬首數  
十人上度虜且大至申令嚴備馬哈木等果掃境  
來戰見我師整頓山巔不敢發上令騎挑之虜奮

迎大敗追至土刺河遁暮還營班師至飲馬河阿魯  
台使其大酋以下來朝會明年瓦剌復請降貢馬謝  
罪未幾馬哈木死封其子脫歡爲順寧王阿魯台志  
忿遂叛入寇興和上銳意親征召問兵部尚書  
方賓賓言餉不足未可興師問戶部尚書夏原吉原  
吉對如賓語加切上不懌令原吉往視開平餉  
適刑部尚書吳中入對復如賓上益怒建原吉及  
中繫掖庭獄賓自殺遂命英國公張輔偕六卿議  
餽運凡運糧三十七萬石駕遂發五月次隰寧大

閱將士製平胡三曲使士歌之踰月至威遠川報虜  
攻萬全諸將請分兵擊之上曰此欲牽我耳吾兵  
鼓行而前虜自救不暇何暇攻我哉七月進次殺胡  
原獲虜部下言阿魯台聞兵出其母妻詈曰明星  
帝何負爾而必欲爲逆天負恩事爾死固宜吾屬何  
辜今虜矣阿魯台遂棄其輜重於濶漂海側而身與  
其孥北走上命焚其輜重收其馬駝牛羊遂班師  
曰虜患驅之足矣吾不欲黷武也顧謂諸將阿魯台  
敢爲悖逆者以兀良哈爲之羽翼也馳兵蕩其巢而

還時阿魯台已弑其王本雅失里而自立至是本雅  
失里妻率其屬來朝二十一年秋七月 上出塞次  
萬全不見虜而還冬韃靼王子也先土于率部落妻  
子來歸封爲忠勇賜姓名金忠金忠屢言阿魯台弑  
王虐人違天逆命當誅也願捐軀爲士卒先 上曰  
而休矣兵數動卽朕猶厭之況下人乎吾欲自戢也  
忠曰如邊人荼毒何 上曰卿意固善然事須有名  
漢文帝言漢過不先姑待之二十二年開平將奏虜  
盜邊乃親征大學士榮幼孜從次開平虜遠遁

上夢神言上帝好生者再乃

遣使

諭虜令自歸

乃班師次榆木川而崩

文皇帝凡五出漠北三

犁虜庭中外勞費計臣凜凜虞乏軍興而虜緣大創

本雅失里妻率屬來朝瓦剌襲封爵稱外臣阿魯台

後亦奉貢謹邊境少事矣

宣德三年秋

上親巡

邊大破兀良哈五年春以陽武侯祿議棄開平移城

獨石始

文皇帝世既棄興和及大寧至是開平

復失宜遼道絕虜益迫內地而阿魯台瓦剌時相攻

兵拏不解嗣時脫歡愈強稍併賢義安樂之衆悉擊



殺阿魯台悉收其部落欲自立爲可汗衆不可乃行  
求元後脫脫不花王爲主以阿魯台衆歸之 正統  
初脫脫死子也先嗣稱太師淮王太師者虜握兵大  
酋號也是時虜衆皆服屬也先脫脫不花徒以元裔  
名爲君不相臨制顧妻也先姊以爲歡君臣並貢我  
亦各賜 勅答其意賞資金帛甚厚又漸驕桀不恭  
貢使初止三五十人後乃百人最後至三千餘人屢  
賜 勅戒約毋過三百人不聽我濡忍納之使者亦  
暴橫往來殺掠道路恣要索稍不厭輒造孽端虜所

諸財物亦歲歲增至中國所無者我不能應處顧益誘雜夷與其使偕九邊騷驛公私耗費又攻哈密執其王母掠沙州破兀良哈至脅誘朝鮮邊將皆知其必爲寇屢疏聞勅戒防禦而已不能絕也故事厓刺使歸我使送至其地因畱明歲與俱來使者往往以好語媚虜見也先奏胡樂則曰是安能及中國女伎耶吾他日來且請以賜若也先喜因爲其子請婚使陽應曰諾已謾之曰吾爲若奏上報許矣也先乃大喜以得婚中國誇諸酋十四年春大貢馬爲聘

朝廷曾未之知也所答詔語及婚則大愧怒七

月遂盡發其種落犯諸邊脫脫不花王冠遂東知院

阿剌冠宣府也先自寇大同至貓兒庄偏將吳浩戰

死羽檄紛至庵王振有事顧日喜欲怙中國威重壓

虜主親征廷臣伏以爭之不能得踰二日駕遂

行命郕王居守太英國公輔等從軍事一聽振

至宣府天大雷雨以風群臣請止師振怒俱令轡陣

進次鷄鳴山衆恐懼振威顧益張成國公勇等有所

請事皆膝行尚書王佐郕瑩失振意罰跪草中竟日

乃解振日督進師虜漸退伏塞外誘我欽天監正彭  
德清語振虜勢如此脫更進致疎虞奈萬葉何學  
士曹魯亦力諫振皆不聽八月至大同庵敬密告振  
前行正隲虜計振乃議旋師諸將皆言宜從紫荆入  
振顧欲邀上至蔚州幸其第已復虞蹂其鄉轉向  
宣府再越日乃發西寧戾宋晟武進伯朱冕與虜戰  
陽和口敗沒諜報虜踵襲我使恭順戾吳克忠拒之  
敗沒成國公勇永順伯綬以四萬人繼往盡沒克忠  
綬與虜戰皆力士卒盡克忠猶下馬跪射矢盡猶刺

殺數十人與弟克勤皆死獨子瑾脫歸殺兵盡以空  
弓擊虜虜怒支解之次日至土木議入保懷來振顧  
私重不肯行遂止營地高無水師困甚欲移營以虜  
迫復止虜僞退營動虜乘之我師大潰英國公輔尚  
書佐學士象等皆死喪士卒數十萬縋重盡爲虜得  
上北狩報至 京師震駭 廷臣聚議戰守所宜侍  
講徐理依占象倡南遷侍郎于謙曰欲遷者可斬也  
請集勤王兵死守學士陳循曰侍郎言是衆和之願  
皇太后尚遲疑庵李永昌極言南宋事可鑒持守議

益力 皇太后悟勅 郕王監國晉諫兵部尚書任  
以事虜奉 上至大同守將劉安郭登伏謁 上命  
稍出錢犒虜 諭登固守毋受虜欺軍校袁彬沒虜  
得侍 上登遣人語彬欲奉 上乘間入賊彬以聞  
上曰我命在天慎毋蹈險第語安報 皇太后朕在  
虜中無恙 具金帛迎歸耳安聞諸 朝 王詰責  
安此虜詐爾何輕聽後勿復爾 上遂由大同出塞  
居也先弟伯顏帖木兒營伯顏俯伏跪拜執臣禮甚  
恭九月 王卽 皇帝位尊 上爲太皇巡撫都御

史朱鑑具陳禦虜方略首請罷奄監軍帝嘉納之  
逮奄敬下獄敬監大同軍與虜通歲造鐵鍬私遺虜  
陽和口之戰敬撓軍故敗至是逃還京論罪坐死  
詔禁錮之十月也先使人來議和還車駕賜勅  
答之數日自大同入犯紫荆擁上皇南從間道攻  
闕破之都御史孫祥死進簿都城宣言索大臣玉直  
胡濙于謙等出迎駕衆知虜詐不出于是以通政  
叅議王復中書舍人趙榮充九卿如虜師朝上皇  
也先謂爾等皆小官亟令直等來上皇密諭復

榮彼無善意宜亟歸是日虜焚三陵殿寢門游騎  
四出掠下邑朝議欲鍵九門清野以老敵尚書謙  
曰不有戰何以守乃親擐甲先將士出反閤德勝門  
而軍示士卒必死燔城外積芻毋資虜詞知上皇  
駕移遠虜營乃發礮擊虜死者以萬計總兵石亨力  
戰彰義門又敗之都督孫鏗王通合擊又敗之虜勢  
沮而諸勤王兵以次集於是謙榜各門募蕃漢軍能  
擒斬也先首獻者賞萬金爵上公也先內懼逡遁  
而使使來言欲還上皇請罷兵詔報之是日伯



顏帖木兒奉

上皇駕出紫荆關石亨躡虜大破之

於清風店昌平伯楊洪都督孫鏗范廣陶瑾等分道

捕畿內餘寇破逐之

上皇駕出塞脫脫不花王遣

使來貢大臣請禮其使以間也先從之始也先土木

之勝意輕中國且挾

上皇爲重質邀索無已尚書

謙○飈○言○社○稷○爲○重○君○爲○輕○以○塞○虜○望○而○先○是○虜○過○大○

同○帥○郭○登○亦○登○城○告○虜○賴○天○地○宗○社○之○靈○國○有○君○矣○

虜○既○失○所○挾○又○見○中○國○全○盛○城○池○深○固○人○心○情○愜○稍○

海○禍○事○

上皇愈益恭奉居得知院營前數日輒

設宴妻妾行酒身自強虎撥思兒踏曲以佐歡  
皇雖狩虜意氣故自如未嘗有所降下虜時望見所  
居帳夜有光龍文交騰雨雪不凝大驚異大酋咸頓  
首伏謁稱中國聖人也先帝遣女弟侍上皇固  
却之愈敬報謀奉駕歸矣景泰元年春誅逆奄  
喜寧喜寧者胡種也降虜見親信日導虜入寇虜薄  
都城及邀大臣迎駕皆其謀上皇患之計不誅寧  
虜不靖乃命袁彬請也先遣之至京軍校高鑒與  
俱密繫書鑿肘令邊將計擒之至宣府被獲械赴京

伏誅

上皇聞寧擒大暑謂南歸有日矣虜既失寧

無與導謀益衰息然遲我上皇徘徊塞上入掠雲

中上谷間我使久絕其眾心携也先欲觀和耻屈意

陰使知院爲書遣叅政完者脫歡來具言欲和不得

報且入寇乃詔報虜必盡出塞乃可和不然不惜

戰也已而完者脫歡復來請也先使亦至遂遣禮部

侍郎李賓少卿羅綺指揮馬顯偕完者報使并問

上皇起居實等兄上皇泣上皇亦泣問三宮

安否將來何物實頓首言本以通問無所將上

皇曰此細故不足論卿第歸語朝廷圖迎我歸守陵墓足矣也先語實我畱皇帝無以爲數請迎歸不報何也實反覆曉譬欲奉迎也先言汝修通問耳何遽言迎其亟遣大臣來大臣朝至駕發實歸具言之而脫脫不花亦遣使來議和於是又遣都御史楊善右侍郎趙榮使虜使指不及迎廷臣累請如實言更遣使帝終不許善至也先爲言南北和好久奈何拘我使臣減賞賜自生端善曰爾父在先朝貢使不過數人寡求請所以能長好爾使且三

千人間有奸中國法潛逃非我拘留賞賜第覈其虛  
者何言滅也也先曰者胡語云者然歸也善度也先  
意稍動因言太師爾忘明皇帝之恩乎而以小人  
言失累世歡天道好生爾好殺宜早戢兵毋逆天  
也先曰者者因問皇帝歸更踐阼否善曰天位  
已定不可易也也先曰堯舜禪受何如善曰上皇  
以兄傳弟正法堯舜耳也先不能難第言汝迎天  
子將何物善曰吾以賄來太師其將被此名也無賄  
而有令名何利如之也先大然之其日引善見上

皇遂設晏饌。自彈琵琶。奏妾前舞。顧善曰。都御史坐。善不敢坐。上皇曰。坐。善乃坐。仍起。周旋也。先隨噴。美有禮。次日。伯顏帖木兒餞。次日。駕行也。先築臺。設上皇座。率衆拜辭。復自送數十里。慟哭辭去。八月。駕抵京。居于南宮。蓋是時中國全盛。主德無闕。一戰而六師大覆。乘輿北狩。固亘古未有。賴景帝立而天下有君。少保思畧指勝于廊廟。未踰年而。上皇旋軫。天下晏如。民忘其敗。亦亘古所未有也。既而也。先來貢馬。詔報之。二年也。先強盛。欲爲可汗。

郝掠脫脫不花不花大窘尚書謙戾亨言虜內相讐  
殺乞出兵討之以復讐上不許也先久之竟攻敗

不花遣人來獻捷且乞

命使通往下廷議言官以

爲虜懷竄伺宜絕勿報使執政以爲難兵部尚書謙

曰臣職本兵獨知有兵脫賊犯順卽當行天誅使事

臣不敢知制曰使勿遣賜勅諭之仍勅諸邊

練兵爲防當是時也先使每至京幾千人出入驕

恣毆守衛掠財物至欲騎入長安門稍稍約束卽讐

弓相向又貢使在朝猶入塞捕掠將官欲請勸又

以通好故恐啟隙不欲與戰虜益驕更結朵顏西交  
哈蜜脇結赤斤蒙古往往窺塞下已而也先弑其主  
而自立來貢稱大元田盛可汗田盛者華言天聖也  
下其書禮官會議科臣林聰言也先不敢輒稱可汗  
使覘中國若輒從其稱長縱逆賊仍其故號激怒犬  
羊乞勅其來使歸語也先以華夷之分順逆吉凶  
之道庶不失國體便刑科給事中徐正乞賜也先  
勅曉以天命禍福成敗之理如其稔惡不悛我乃聲  
罪致討安遠侯柳溥言也先弑篡所謂亂臣賊子人



人得而誅者。若從其僞稱。是與其弑主也。答書宜仍  
稱瓦剌太師。抑絕其使。彼犯我邊塞。卽與師致討。并  
下廷議。議言。自古王者不治夷狄也。先稱大元。田  
盛大可汗。固不可從。若可汗。乃隋唐以來北狄酋長  
之常稱。非中國所禁。朝廷答賜。勅書宜稱爲瓦  
剌可汗。稱示羈縻便。上又下禮部議。儀制郎中章  
綸言。可汗二字在中國固爲夷狄酋長之常稱。在戎  
狄則爲皇帝之位號。觀其稱唐太宗爲天可汗。乃其  
世傳可汗名。猶近正也。先弑主僭稱名實大舛。今若

因而稱之彼以爲中國天子亦稱我爲可汗謬示  
群酋群酋畏服無復携貳益窺中原後禍未測仍其  
故稱彼必慚怨益肆侵擾均爲不可莫若賜勅封  
爲敬順王或稱爲瓦剌王便詔稱瓦剌可汗而  
勅文武大臣條備邊長策以聞自是稍出入東西  
塞上爲寇不復深入也先新立恐諸部不從亦與中  
朝通好貢市往來然數年賞賜虜費亦不下百萬計  
天順初年也先有平章哈刺者欲繼也先爲太師言  
於也先日王人衣新衣幸以故衣賜臣也先不許而

以其弟平章阿失帖木兒爲太師哈刺怒欲叛也先也先荒酒色又殘忍諸部不悅稍解散也先益忌哈刺聞哈刺且叛益怒欲攻哈刺恐不勝乃召哈刺子飲酒酒中飲之鴆哈刺子嘔吐覺走出不能行嚙指血染箭令其僕持告哈刺哈刺陽不知益敬順也先也先以哈刺畏已防稍解哈刺伏衆伺也先出獵襲也先也先倉皇戰敗走從數十騎遁又恐此數十騎通哈刺半夜棄此數十騎與二親信走道中饑窘至一婦人所乞漿婦人飲之酪遂去夫歸婦言狀夫疑

其爲也先急追及之果也先殺之諸部遂分散而李  
來彌王子爲雄哈刺旣殺也先李來尋殺哈刺而止  
小王子爲可汗小王子之名始此莫知其所自起也  
未幾李來自弑其主小王子數來近邊求索傳聞寶  
璽在其處石亨欲領兵巡邊乘機取之輔臣李賢謂  
亡國之物不足爲貴莫若遣通事賁賞與之於是遣  
都督馬政往二年李來寇陝西安遠戍柳溥禦之敗  
績御史劉濬劾之溥行賄得釋濬謫官已而虜大熾  
關中震動乃召溥還奪太傅冬復寇延綏守將張

欽連戰敗之。命佩征虜副將軍印。總延綏慶陽諸路兵。時李來毛里孩阿羅出索羅忽等相繼入寇。東掠延寧甘涼西侵宣大北邊無寧歲。四年八月李來大舉入寇。自大同威遠西擁衆南行。邊將高陽伯李文按兵不敢當其鋒。已而虜衆直抵鴈門。關代朔忻州一帶四散搶掠。鋒火徹于京師。人民驚疑棄家走避。擁入京城。莫能止。李賢請稍出駐京軍於紫荆。創馬二關。一則安撫人民。二則使彼知懼不敢深入。久停會。兵部奏欲遣將統京軍赴大同。上曰。緩不

及事徒勞人馬駐闕之說可行於是

遣都督顧應

領兵赴紫荊關馮宗領兵赴倒馬關然虜已有防

見我軍不動去而復來遂復

勅三關之軍赴鴈門

人民恃以不恐虜尋亦引去九月寧夏總兵張大破

虜於東壩十一月寇莊浪都御史芮釗率兵禦之五

年寇河西涼州莊浪一帶圍困城堡日久不退總兵

仇廉領兵過河欲與莊浪合被虜截殺虜益猖獗過

河搶掠官軍莫敢與敵關中震恐于是以兵部尚書

馬昂總督軍務懷寧伯孫鏜爲總兵官率京營兵萬

七千山東兵六萬西征會曹欽反不果行河西羽書  
紛至李賢乃薦侍郎白圭舊都御史王竑分道禦之  
虜已得大利去遂班師秋索來三上書求欽廷議  
請遣使撫諭乃命指揮詹昇資勅諭昇爲邊患  
使來賞賜朕不爾各冬半來遣納阿出等隨昇來  
報命且請從陝西人從之未幾復糾毛里孩入河西  
賜詔責讓令貢道仍由大同毋趨陝明年使至大  
同詔守將彰武伯楊信虜名首其心叵測且有三  
千人伺塞下宜善爲備仍勅虜使察占毋多挾人

來留其餘塞下官餽之聽與邊人交易。字來上書言  
已爲諸部長賞賜不宜等諸部。禮部言字來賜視諸  
部太濫。獨其君小王子與之同虜。貪且茂。君臣分以  
此快快。宜稍塞其意。詔增幣一襲。未幾字來稍衰。  
其大酋毛里孩阿羅出諸酋相繼奮。咸爲邊患而少  
師猛可與字來相仇殺。立脫思爲主虜。中言脫思故  
小王子從兄也。于是毛里孩字羅忽阿羅出三酋始  
入套。爭水草不相能。字羅忽結毛里孩阿羅出結。凡  
加思蘭各樹黨相攻。出沒河套中。凡加思蘭者亦虜



別部居哈密北山。大順末始盛。侵掠哈密。雄視諸番。我因其貢。羈縻之。竟東渡河。與虜合。我漢人被虜。及罪人走塞外者。爲之鄉導。遂爲邊境剝膚之害。成化元年。人榆林。二年。入延綏。警報無時。朝廷添調京營及大同宣府寧夏甘涼陝西護衛軍馬數萬。頒給銀兩。起倩陝西河南軍民。或借運。或借撥。或糴買。或豫徵。多方整理。軍民大困。李賢等奏胡虜之衆。不過中國一大郡。連年被其侵擾。往往得利而去。且河套與延綏接境。原非胡虜巢穴。今虜酋毛里孩居

處○其○中○出○沒○不○常○古○云○不○一○勞○者○不○永○逸○今○欲○安○邊○  
必○須○大○舉○而○後○可○乞○令○兵○部○會○官○博○議○進○兵○搜○勦○務○  
在○盡○絕○其○總○制○將○官○與○凡○出○兵○事○宜○俱○豫○處○請○畫○又○  
秋○禾○方○熟○虜○騎○必○入○掠○而○延○綏○鄜○慶○環○縣○一○帶○宜○推○  
選○武○將○一○人○統○步○騎○精○兵○萬○人○守○禦○庶○幾○有○備○無○患○  
于○是○兵○書○王○復○及○都○同○孫○繼○宗○等○議○以○爲○大○舉○搜○套○  
必○王○將○得○人○今○大○同○總○兵○楊○信○舊○鎮○延○綏○稔○知○地○利○  
宜○召○還○京○面○受○成○算○其○陝○西○延○綏○寧○夏○甘○涼○大○同○宣○  
撫○鎮○巡○諸○官○亦○宜○勅○令○整○飭○兵○備○候○至○期○調○發○又○

信既召還、可以修武伯沈煜代之、

上允所擬、遂

召信還、乃

勅陝西巡撫項忠、太監裴當、總兵楊信、

協謀征勦河套、會毛里孩侵大同、陽求貢而罷、明年

毛里孩乞通貢、

制曰、無約而請和者、謀也、其令各

邊謹邊備、毛里孩因不得貢、渡河東侵大同、

廷議

楊信兵少不足制虜、于是以撫寧侯朱永爲平胡將、

軍率京兵往都督劉聚、鮑政副之、會毛里孩再上書

求貢、

詔永駐軍代州、先是毛里孩已攻殺寧來弒

其可汗、悅思虜更立可汗、毛里孩復弒之、并逐少師

阿羅出自稱黃芩王、別酋李魯乃稱齊王、並遣使貢而瓦剌也、先之子阿失帖木兒者亦來貢、使者頗挾兀良哈夷、山喜峯口人故事、宴勞北使優于他夷、至是、以其混兀良哈使來、且入喜峯口、非制、乃以夷使禮禮之、虜使恚有違言、通事諭之、故上書服罪、乃遇以故禮、禮部言阿失帖木兒兩月間使進貢者二、又不循故道、迨其結各虜徑近狎至、以窺邊、宜遏絕其奸、於是賜勅令遣使無過三四十人、仍從太同入瓦剌、自也先死後數歲、戢至是復稍張、與毛里孩諸

首拿兵爭雄長諸酋亦坐是不得并力於我四年乃有滿四之變

滿四本名俊故元平涼萬戶把丹之孫也國初虜

降者皆處以邊地謂之上達俊處涼州三埜溝號滿

家營有衆數千人以畜牧射獵爲生天順末孛來

毛里孩內侵滿四與其黨有北徙意乘時劫掠藏軍

通達事覺上官捕之急會叅將劉清守備馮傑復逼

索各土達賄物土達咸怨之滿四遂糾衆據石城反

城者四面俱山峭壁高數千仞西山頂平可容數

千人劉清領軍與戰不利陝西鎮巡撫遣指揮邢端  
申澄率各衛軍往捕戰于城下申澄死之邢端遁歸  
官軍大潰遠近震駭事聞命陝西巡撫陳介總兵  
寧遠伯任璫寧夏總兵廣義伯吳琮延綏巡撫王銳  
叅將胡禮各統所部合兵三萬討之寧夏兵先至介  
與琮皆不知兵不候延綏兵至麾兵直薄石城軍士  
勢困爲賊所襲官軍死者數千人賊勢益猖獗  
朝命械介璫等赴京乃命都督劉玉總兵都御史  
項忠督師與巡撫都御史爲文升合勦賊聞朝廷

遣將出師遂退保石城官軍居固原分兵爲六路圍之賊前倚深溝高壘不輕與戰伏羗伯毛忠恃勇自領驍卒登山仰攻賊據險力拒我軍遽退忠卽陣斬一千戶以徇衆乃定遠近聞毛忠敗益駭懼兵部尚書程信及武寧侯朱永定襄伯郭登議以滿四驍勇恐其與北虜連兵闕隘益危交章請益兵赴援其月慧出西方中外洶洶占者以應在秦州不祥項忠曰賊虐害生靈惡貫滔天今仰仗皇威問罪師直且往法曰禁祥去疑昔李晟討朱泚熒惑守歲卒以成

功今殆類此。乃不俟援師至。卽以師據賊水草道。干其傍近地。賊夜汲者。設伏擒之。賊人馬饑渴。勢日困。朝廷惟慮我師淹歲月。詔問忠可。否益兵。忠卽上疏。謂京城軍不諳戰。益之無補。時兵部懼賊乘屢勝。恐劉玉等不足任。猶奏請遣朱永率京軍四萬以往。永復張大其事。請朝廷定賞格。乃行。內閣彭時知成可平嫌其張皇。欲止之。擬旨令姑整軍裝。待再三急報。啓行。會忠報軍中事奏至。上命司禮太監懷恩許安黃賜至閣下。召兵部計議。程信曰。事急。



矣。行不可緩。時曰：前者賊黨四出，攻劫誠可駭懼。今入山自保，我軍圍守甚固，不一兩月，賊必困窮成擒矣。京軍何用再行商輅亦曰：觀項忠布置，賊不足慮也。程信忿其言不行，出危言曰：項忠軍若敗，必斬二人。然後發兵去耳。時廷臣群然附和，以爲止軍不行，必失關中。咸尤彭時固執，輅敵時曰：觀項忠疏曲，折保無虞也。衆猶未信。時項忠主坐困之策，與賊相持三月餘，賊芻水俱乏，人馬多死。我軍圍困日密，出降者衆。賊將有楊虎狸者，驍勇有謀，蒲四倚爲謀主。

至是見勢不可爲夜潛詣軍降忠等厚慰勞之示以  
賞格令其回寨擒滿四來獻虎狸請以誘其出戰因  
而擒之遂遣虎狸去明日忠等整兵而進伏兵東山  
滿四果出戰遂爲官軍所擒餘黨潰走發兵追捕之  
斬首七千餘級械滿四等赴京伏誅賊僅平而延綏  
忽報北虜入河套矣于是諸營軍馬悉撤回原鎮捷  
奏至人始伏彭時輩之料敵明審鎮靜得體云先是  
忠日披堅于石城下督軍與戰先後二十餘陣雖矢  
石如雨畧不少退怯馬文升勸其持重忠曰奉命

討賊久無成功死所甘心輿論偉之

時吏科左給事程萬里言陝西重鎮

國初以來安

置土達于寧夏甘涼等處種類蕃息往年虜賊侵擾

今歲亢旱饑饉有司失于撫恤是以蒲四等據險嘯

聚況今黃河欲凍虜酋毛里孩去邊不遠寧無姦計

且兵荒之後民窮盜起乞

勅有司存省賑貸仍選

大臣二員奉

勅往彼與守臣會議招土達中年高

有識者宜

上恩威諭以禍福使之各率其屬無自

疑貳且罷

一切苛收庶足歡動其心潛消其患臣又

見毛里孩等久不朝貢往來宣府大同其情叵測萬  
一有變驚擾畿內臣愚意其有可收者三距我邊方  
纔二三日程是彼爲客而我爲主以客就主以勞待  
逸一也自恃強盛併吞諸部志滿氣盈兵驕者敗馳  
驅不息人馬疲勞二也比來邊報見煙火有一二百  
里者有三五十里者散逐水草兵力四分三也爲今  
日之計宜選京師騎兵一萬宣府大同各一萬每  
三千人爲一軍驍將十人統之嚴其賞罰密使人探  
毛里孩所在出其不意晝伏夜行徑擣其壘破之必

矣昔李靖以騎兵三千破突厥大衆我今宜及其未  
發早爲之所欲戰則國方畧欲守則歸兵力毋祇憑  
文移致談大計詔下兵部會廷臣議謂毛里孩自  
前歲朝貢後不復犯邊今無故興師遠涉沙漠恐非  
萬全之計請勅東北一帶沿邊守臣但戒嚴以備  
下廷議六年阿羅出糾兀良哈寇延慶命撫寧  
侯朱永爲平虜將軍都御史王越督師往延綏禦虜  
永至邊以捷聞論功越等俱陞賞永世侯而虜據  
套自如邊郡大擾七年二月朱永等以河套虜寇未

退議戰守二策其畧曰今虜賊數萬在邊我軍堪戰者止可一萬而又分散防守何以禦敵爲今之計宜于大同宣府寧夏陝西等處量調軍馬數萬期三月內俱至榆林地方聽臣等調度相機審勢擣其巢穴此戰之策也若軍馬饋餉一時未辦宜慎固封守嚴督治邊居民無事則分哨耕牧有警則舉號避藏仍令隄備官軍各守城堡伺候會兵截殺此守之策也事下兵部白圭等以馬方瘦損供餉不敷勢難進剿請命諸將慎爲守禦以圖萬全上從之冬召朱

永還以邊事委王越及總兵許寧命吏部右侍郎  
葉盛行視河套時北虜入河套議增兵設險或請大  
舉搜套驅虜出河外沿河築城堡抵東勝徙民耕守  
其中勅盛往議方畧上言搜河套復東勝未可  
輕議惟增兵守險可爲遠圖宜令守臣剴削邊牆增  
築城堡收新軍以實邊選土兵以助守便上從之  
時北虜潛伏黃河套中歲爲邊患輔臣有請興十萬  
之師以彰武伯楊信爲總制搜勦之兵部尚書程信  
言河套地廣土遠無水草興師十萬則餽運者加倍

自古禦戎來者拒之去者勿追此不易之法也既而  
楊信亦請三萬人巡邊而罷搜套之議八年二月兵  
部尚書白圭上言虜性桀黠宜勅王越等俟葉盛  
至日卽調甘涼莊浪蘭縣官軍防守要害必須明年  
二月大舉搜套庶收一勞永逸之功請先用軍夫五  
萬擺堡運糧計可足半年之費然後選精兵十萬簡  
命文武重臣充總督每兵一萬坐營統領者各一人  
所須馱馬鹿角棒軍器之類俱宜預備期以十二月  
啓行上令成與越等計議以聞三月王越言延



綏罷遣戍卒近以兵部遣官來議方畧仍畱駐朔州  
孤山諸處但今虜退日久邊鎮稍寧且士卒衣裝盡  
壞馬死過半請如前罷遣休息臣與所遣官俱暫還  
因諭越與盛還京乃圭復請集廷議言套虜不  
驅邊患無已第邊兵多而無統是以屢劾宜擇遣大  
將付以閫外得專事虜于是以武靖侯趙輔爲平虜  
將軍悉部署諸路王越仍督師五月巡撫延綏余子  
俊奏虜賊擁衆河套日急一日已嚴兵相幾戰守謹  
以各邊諜報上聞上曰邊事日急其令趙輔王

越刻日啓行虜大入延慶輔不能禦未幾稱疾召  
還以寧晉伯劉聚代之聚未至虜相繼掠固原延寧  
諸處邊臣屢疏聞詔讓輔越玩寇罪巡撫余子  
俊建議埤山築牆設墩臺砦堡以制虜從之虜自是  
不敢入延綏毛里孩孛魯乃阿羅出三酋亦稍衰敗  
而滿魯都入河套稱可汗訛加思蘭爲太師九年滿  
魯都與孛羅忽並寇韋州總督王越偵知虜盡行老  
弱巢紅鹽池可取也乃與總兵許寧遊擊周玉選精  
騎萬餘自塞濟七日糧盡伏夜行每二舍輒伏兵百

人○使○休○以○待○事○行○四○日○天○未○明○至○虜○帳○縱○火○焚○其○帳○  
而○萬○騎○齊○躁○之○且○擊○且○射○斬○首○三○百○級○奪○牛○羊○器○械○  
無○算○虜○巢○穴○諸○畜○產○畢○盡○虜○聞○自○外○疾○走○還○則○廬○帳○  
皆○燼○相○向○慟○哭○悉○力○追○我○師○越○結○陣○徐○行○殿○者○陽○與○  
戰○引○而○南○至○伏○中○伏○前○後○發○掩○擊○大○破○之○虜○志○猶○未○  
解○再○闚○再○遇○伏○乃○大○慟○渡○河○遯○虜○自○據○套○以○來○無○歲○  
不○深○入○殺○掠○人○畜○至○數○千○百○萬○邊○將○擁○兵○莫○誰○何○微○  
所○遺○老○弱○及○殺○吾○民○以○上○功○冒○陞○賞○三○遣○大○將○朱○永○  
趙○輔○劉○聚○出○師○大○抵○敵○邊○將○故○習○虜○益○橫○內○地○且○自○

危○用○事○者○始○議○搜○套○聚○兵○八○萬○糜○資○儲○無○算○頻○歲○師○  
不○出○至○是○捷○虜○內○失○其○卒○相○與○悲○泣○渡○河○北○去○患○少○  
弭○已○復○稍○稍○東○寇○宜○大○遼○東○誘○兀○良○哈○爲○導○十○一○年○  
秋○滿○魯○都○朮○加○思○隨○並○遣○使○貢○未○幾○復○相○讐○殺○始○朮○  
加○思○蘭○以○女○妻○滿○魯○都○欲○代○爲○可○汗○恐○衆○不○服○謀○殺○  
滿○魯○都○而○立○幹○赤○來○爲○可○汗○滿○魯○都○知○之○索○幹○赤○來○  
朮○加○思○蘭○匿○不○與○遂○攻○逐○滿○魯○都○併○有○孛○羅○忽○之○衆○  
滿○魯○都○部○首○脫○羅○干○亦○思○馬○因○復○攻○殺○朮○加○思○蘭○亦○  
思○馬○因○稱○太○師○自○朮○加○思○蘭○死○虜○數○歲○稀○入○寇○大○瑞○

汪直恃寵喜事數握兵微戰伐功上越朱永附和之  
諸大臣心知其非不敢爭十六年春邊報至遂命  
永爲征虜將軍直與越俱督師出塞捕虜先是永征  
建州越不與以爲恨至是越聞套虜有居威寧海子  
者給永由他道身與直率輕騎乘雨雪襲擊之斬首  
四百餘級擒百七十餘人班師論功封越威寧伯越  
有智畧其用兵能以奇取勝徒以附直故爲世所訾  
是後屢與直奉命出師十八年春禦虜于延綏小  
捷賞賚甚衆虜亦益盜邊不休明年夏入大同諸堡

殺掠人畜百萬守將許寧以提聞虜既得利長驅  
入順聖川散掠蔚朔諸州烽火徹于圻內宣府巡撫  
秦紘總兵周玉力戰却之虜去輒復來至成化末  
無寧歲成化間北虜大抵瓦剌爲強小王子次之  
二種反復相殘並陰結朵顏伺我塞下卽貢馬二種  
亦相繼往來恐中國左右以故雖深入彼自相猜忌  
不能久畱內地未幾滿魯都衰弱不知所終而把禿  
猛可王太師亦思馬因知院脫羅千屢遣人貢馬  
弘治元年小王子奉書求貢詞稍慢自稱大元大可

汗下廷議英國公張懋等言虜僭名號自其故態  
先朝亦嘗爲寬假宜令守臣納其使從之是年把禿  
猛可死阿剌立其弟伯顏猛可爲可汗虜中以太師  
官最尊王幼恐太師專權遂不復設太師而伯顏猛  
可○及○其○酋○長○與○毛○刺○酋○亦○遣○人○來○貢○時○馬○文○升○在○兵  
部○許○進○巡○撫○大○同○進○款○條○邊○事○戎○政○修○明○中○朝○大○臣  
知○進○進○疏○至○輒○免○下○進○管○貽○書○小○上○子○言○通○貢○之○利  
小○王○子○无○刺○二○種○聞○進○威○名○三○年○三○貢○所○貢○多○至○三  
千○人○少○不○下○二○千○皆○捕○兒○庄○入○比○至○塞○皆○下○馬○脫○弓

矢入館進亦嚴兵待之。諸虜留塞外者亦付與酒肉。華人盜虜馬斬以殉。以故虜奉約束惟謹。大同宣府河曲稀虜患異。成化時矣。其後乃有火篩。火篩脫羅干之子小王子部落也。狡黠善用兵。劫諸部屢寇邊。獲財畜日強盛。跋扈與小王子爭雄。長邊患復熾。十年冬冠肅州巡撫吳珉不能禦。以王越鎮陝。節制諸軍。越已奪爵起自田間。明年秋越率師襲賀蘭山。後虜破之。明年虜寇榆林寧夏大同皆殺掠。多明年春威遠遊擊將軍王杲敗績。右叅將秦恭副總兵馬



昇逗畱不進皆論死其夏連寇大同總兵王爾等朱  
亡多 命平江伯陳銳及侍郎許進率師禦虜銳畏  
怯遇虜不敢戰嬰城自保罷還以保國公朱暉代之  
進亦致仕去虜猖獗甚 京師戒嚴分 遣文武大  
臣守潮河川天壽山居庸紫荆倒馬白羊諸關以都  
御史史琳督師大同虜解去明年春送入延綏守臣  
屢告急復 命保國公暉都御史琳統諸路兵西禦  
虜奄苗達監軍暉行至河套襲虜斬三級驅牛畜數  
歸賞賚有差廷臣屢言功薄不當賞報 聞虜分

道掠固原寧夏諸邊輒從花馬池入西北大擾暉等  
不能禦給事中屈伸疏劾之詔讓暉因召還  
以秦紘督師鎮陝紘至邊大治壘築堡虜稍靖八月  
火篩入花馬池至固原大掠人畜殺吏民總兵恭順  
侯吳瑾罷還京武侯鄭英代侍郎李燧督餉關中乞  
運邊減八郡大困自後虜入關隴輒由花馬池矣十  
五年時北虜逼近塞下邊臣告急上以兵事屬中  
官苗達謀出兵圖之密言于上乃召兵部尚書  
劉大夏議大夏以爲不可上曰永樂間頻年出

塞破虜今何不可對曰 皇上聖武固同于 太  
宗奈今將士遠有不逮且當時如淇國公丘福稍違  
節制數萬甲兵俱陷虜地況今之時又在丘福下不  
若且令各邊料敵戰守 上乃悟曰善朕幾爲所誤  
事乃寢十七年夏六月歸正人報虜有異謀 上召  
大學士劉健李東陽令譯審虜情因 諭以京軍當  
恤督將須得人健東陽頓首言 朝廷養兵衛畿輔  
而役煩多耗士氣非制宜釐其弊 上納之時 天  
子亡聖孜孜求治憤虜桀驚欲一創之會其秋虜入

大同殺墩軍

上遂

召健等議出師討虜日墩軍

皆吾赤子虜殺之不道宜問罪健對曰

皇上垂念

赤子甚盛德然兵危事動調未可輕遷進日邊事急

京師居重馭輕爲尤急疲內以事外非完策也上

意猶未怠東陽曰大同險遠力可自支而潮河川去

京師特一日而近今北虜與朵顏交通卽潮河川古

北口當必有內間○僅京軍出○恐不無後憂○且賊在大

同○未○委○所○向○令○聲○東○擊○西○而○我○軍○奔○走○從○之○此○不○戰○

自○敝○之○道○也○上○曰○虜○驚○甚○不○擊○之○不○武○卽○未○出○宜

敕軍將備豫以需皆頓首曰備之善已 召兵尚書

大夏 諭如初大夏亦力言未可 上曰我 太

宗朝頻年出兵逐虜數百里未嘗不利大夏曰

太宗之時何時也有糧有草有馬有兵又有好將官

餉足兵強將士經百戰所以得利今糧草缺乏軍馬

疲弊將官鮮得其人軍士玩于法令非惟不能殺賊

抑且因而害人徒費財物有損無益 上納之師乃

不出已而虜爲沿邊諸將所拒亦引去十八年九月

虜入花馬池攻陷清水營起楊一清經畧陝西

時朝廷清明。內外大臣。協心體國。爲經久計。救護  
復河套。一清寸畧。足任遂上。經畧三䟽。一議守。守虜  
所必入。一議戰。戰虜所必敗。一議攻。攻虜所必救。䟽  
畧言善戰者。必知分合。善守者。必審常變。今此諸邊  
所患。在兵多而權分。各據利便。自分彼此。機可乘而  
不乘。兵當各而不合。其輕率寡謀者。則又知常而不  
知變。往往墮賊計中。將今沿邊至腹裏。分爲四路。以  
定邊興武營。花馬池。靈州一帶。爲藩籬。以石溝鹽池。  
肅州。萌城。山賊一帶。爲門戶。以固原。黑水口。鎮戎所。

西安州海刺都一帶爲庭除以安定會寧隆德平涼  
一帶爲堂室行令總兵參遊分地駐劄聲勢連絡併  
力防禦分布既定謹斥埃據要害守水頭以待會寇  
始至謹勿與之爭鋒入城堡以避待其深入左右鎮  
襲踪而躡其後據險以扼其衝張疑以分其勢虜所  
欲當則堅壁清野以老之使不得逞待其情歸然後  
以重兵衝其腹心出其後背晝則追鋒以絕其路夜  
則鉗枚以劫其營以我四路應敵之兵當彼千里趨  
利之賊必且挫衄豈能善其歸哉又言虜自延綏大

同官軍失利之後志驕氣溢橫肆無忌有年所以今  
冬河凍必深入套自非撲搗巢穴陝西之患未有已  
也臣非不知往來戰守乃禦戎之常犁庭掃穴非聖  
王之得已然商高祖有鬼方之伐唐太宗有頡利之  
擒况河套本我內地而被據以爲巢此田中之禽利  
用搏執固非稱兵于陰山之窟流血于不毛之地喜  
功好大者之所爲也今宜調宣大二鎮進奇官兵於  
延綏中東二路任制聽張安節制虜若止在套駐牧  
未嘗擁衆內侵則嚴兵自守決不輕敵如仍前深入



原擬中路邀截之兵固壘不動行令東路叅遊部爲  
奇正列車爲家擇形便爲營務使聲勢連絡前後相  
望以進搗之既近賊壘奮勇疾前衝其腹心捨其羸  
者而戮其壯狡奪其鎧馬而縱其牛羊大兵仍堅整  
嚴備不許輕動伺我兵還而虜稀突則或爲羽翼或  
爲後殿而霆擊之則我雖退而兵漸增彼旣達而勢  
自屈前軍勞而退則先行使無繫累後軍逸而圍則  
毀後使有餘勇振中國之威洩生民之憤孰決于此  
兵貴神速機防先露進退之際間不容髮乞 勅

兵部詳議施行會

孝宗崩逆瑾專政一清得罪

去無敢言及河套者卽有建白輒云修邊或曰進幾里杆虜或曰退幾里固我我邊日退奮虜日進自是從花馬池毀垣入掠隆德靜寧諸處再旬乃退關中大震三年 命兵部侍郎文貴開府督卽貴所請度支金錢巨萬名修邊費然半輸剝瑾所虜殺掠男婦數千雜畜器械倍之莫誰何明年虜伏大衆于延綏塞下遣輕騎攻新興堡副總兵侯勛禦之伏起被圍會救至虜解去總督尚書才寬以捷 聞已又入花

馬池寬被誅時小王子與火篩讐殺火篩死復以他  
事怒其丞相亦不刺欲殺之亦不刺懼擁萬衆掠涼  
州攻破安定王等族奪其誥印諸番苦之西海自是  
始有虜別部阿爾禿斯與亦不刺合日與小王子尋  
兵敗則掠邊頻年深入殺掠慘于西陲亡失無算守  
臣輒以捷聞九年總制董蘭告急詔太監張永  
督宣大延綏兵都督白玉爲大將軍協蘭禦虜永等  
多挾人從請乞煩浩未出國門已費度支金錢十餘  
萬卒無功十年寇固原十一年寇榆林十二年入大

同屬 上以遊幸至陽和親部署諸將總兵王勛等  
遇虜于應州爲所圍 上督兵援之衆殊死戰虜稍  
却會暮收營明日虜來攻自辰至酉戰百餘合虜引  
而西追至平虜朔州會大風晝晦 上乃還是役也  
獲虜首十六級我軍死傷數百 乘輿幾危七月虜  
人花馬池深入大掠秦隴時小王子三子長阿爾倫  
次阿著次蒲官嗔太師亦不刺弒阿爾倫遁入河西  
阿爾二子長卜赤次乜明皆幼阿著稱小王子未幾  
死衆立卜赤稱亦克罕太營五日好陳察罕見日召

阿兒曰把郎阿兒曰克失旦曰卜爾報可五萬人卜  
赤居中屯牧五營還衛之又東有岡雷罕哈爾填三  
部岡雷部管一其酋滿會王罕哈部管三其酋猛可  
不郎爾填部管一其酋可爾都三部可六萬人居沙  
漠東偏與朵顏爲隣西有應紹不阿禿斯滿官嗔三  
部應紹不部管十日阿速曰哈刺嗔曰舍奴郎日罕  
來曰當刺兒罕曰失保嗔曰叭兒殿曰荒花旦曰奴  
母嗔曰塔不乃麻故屬亦不刺亦不刺遁西海去遂  
分散無幾惟哈刺嗔一營僅全阿爾禿斯部管七故

亦屬亦不刺今從吉襲合爲四營曰哱合斯曰偶甚  
曰叭哈思納曰打郎衆可七萬滿噴部營八故屬火  
篩今從俺荅合爲六營曰多羅出土悶畏荅兒曰兀  
甚曰叭要曰兀魯曰土吉刺三部衆可四萬吉襲俺  
荅皆出入河套二酋皆阿著子也諸種中獨強時寇  
延寧宣大南有哈刺噴部營一酋把荅罕奈衆可三  
萬哈連部營一酋失刺台吉衆可二萬居宣府大同  
塞外北有九良罕營一故小王子北部也因隙叛去  
至今相攻又西爲瓦刺可五萬人世與土魯番爲讐

諸虜雖逐水草遷徙不定然營部皆有分地不相亂  
十六年寇莊洮岷涼等處守臣告急巡按御史許翱  
鳳以聞言虜勢日熾防禦日疎大臣坐食廩祿而  
不展一箭將官惟務剝削而不發一矢廩藏空虛芻  
糧匱乏軍令傷于姑息銳氣餒于侵牟遇虜入掠輒  
嬰城自保聞虜造鉏鑊欲攻城堡請下戶工二部講  
求良策勅鎮巡等官選集精銳剋期勦逐戶部擬  
遣官一員畀以璽書關防專理糧餉兵部議請從之  
報可嘉靖元年入花馬池大掠西安縣朔三年秋

大同巡撫張文錦以鎮城孤懸迫虜築水口等五堡遣卒二千五百家戍之卒憚行叅將賈鑑督之嚴叛殺鑑及文錦多走出塞降虜明年屢入陝西諸寨殺吏民亦不刺復駐牧賀蘭山後出沒擾邊詔揚一清爲總制一清議勦尚書金獻民議撫會王憲代一清乃下憲議憲亦言逋虜不大創患無已勒所部待師期詔憲慎防守毋輕出塞六年春虜連寇宣府叅將王經閱山俱戰死其秋數萬騎入寧夏王憲督總兵鄭卿杭雄拒却之斬首三百餘級明年春掠山



西其冬五萬騎掠宣府總兵趙瑛等拒却之已復大掠陽和至朔州指揮趙源戰死明年春數萬騎入寧夏塞杭雄禦之敗績遂由鎮羌入西海與亦不剌結親謀內犯時王瓊代憲益修邊防稍却未幾召還唐龍代之十一年虜款延綏塞詔却之遂擁十萬騎入寇總制龍請許貢以紓患上曰虜負罪宜討大臣當戮力振國威乃取日前計縱虜耶龍連戰頗有斬獲虜以數萬騎渡河而西襲十兒孩大破之十兒孩者亦小王子部落遁入西海與亦不剌阿爾禿

斯共患邊者也。明年秋，虜窺大同，塞總兵朱瑾議浚濠塹，遏虜騎。大同卒素憚瑾，治軍嚴，因是役遂亂，攻殺瑾。總督劉源清欲盡誅諸亂者，卒愈囂。嬰城叛，遺小王子金幣，女伎曰土中饒可帝勝沙漠也，指代王宮曰：「以此爲那顏居。」小王子勒兵應之，遊騎至應朔諸州，旋解去。亂亦隨定。是時，小王子最富強，控弦十餘萬，多畜黃金，犀毗，稍厭兵。其連歲深入蹂西北邊，皆其別部酋曰吉囊曰俺荅二酋亦元裔。于小王子爲從父行。其大父曰反顏哈，有十一子。次日，塞那刺

有七子長吉囊次俺答皆雄黠善兵吉囊壁河套名  
襖兒都司直闕中俺答壁豐州灘直代雲中吉囊俺  
答合九子子各萬騎其弟老把都亦數萬騎壁張家  
口諸昆從百十皆有分地率盜邊自肥日益強盛名  
尊小王子不受其約束小王子亦徙壁東方直衛遼  
號曰土蠻異種黃毛者兇悍不能別死生衆少于三  
部虜或時深入黃毛輒從後掠徼取子女玉帛虜苦  
之因合兵急擊大破臣黃毛以是無內顧得專事我  
十三年春入延綏秋入花馬池掠固原殘安定會寧

二縣總兵王效副總兵梁震禦之斬首二百餘級虜  
東犯大同十五年秋復入延綏總督劉天和督諸將  
禦之斬首百餘級明年秋入甘州大掠已分掠東西  
諸塞無寧日每入大率十萬少亦數千諸將莫能禦  
獨大同總兵梁震數以家丁劫虜有功虜畏之震死  
家丁多走降虜十九年入寇榆林破清平堡入米脂  
殺掠人畜萬計焚芻糧數萬長驅而出總兵周尚文  
任兵清秋原虜退以捷告七月虜入宣府塞先是大  
同歸正人王三子言虜酋哈刺噴糾俺荅幾祿吉囊

青台吉赤台吉等十人，禱旗驃馬，負十日食入塞北。報至虜已過順聖川，抵蔚州，所過盡破闕，廂堡塞殺。人盈野。總兵白甯遇虜于水泉兒，大敗。副總兵雲昌遇虜于馬連堡，又敗。虜留于宣府境內者幾兩月，徐自出塞而巡撫楚書以却虜敘功，擢賞有差。時虜覘大同兵東援宣府，遂乘虛寇大同西路，殺掠人畜數十萬。先是大同叛卒盡走虜中，虜擇便捷輩多與牛羊帳幙，令爲僧道乞丐偵調我邊。西至甘涼，東入山東，或入京師，凡地里險易，兵馬強弱，撫鎮將領勇

○夫○害○盡○走○告○虜○酋○吉○囊○俺○答○二○酋○分○道○入○塞○大○同○  
卒○陰○與○虜○約○無○掠○我○人○畜○我○亦○不○闌○汝○虜○喜○指○折○箭○  
以○誓○而○去○至○是○竟○越○大○同○抵○鴈○門○度○寧○武○入○嵐○靜○交○  
城○掠○殺○人○畜○萬○計○遇○大○同○卒○以○所○掠○輜○重○與○之○名○買○  
路○錢○大○同○撫○臣○史○道○總○兵○王○陞○幸○無○事○若○不○聞○聞○亦○  
不○問○大○同○卒○亦○驕○悍○不○用○命○宜○武○總○兵○白○爵○調○援○亦○  
不○肯○戰○虜○益○無○顧○忌○且○欲○攻○鴈○門○山○西○撫○臣○陳○講○告○  
急○大○同○撫○臣○史○道○竟○匿○不○聞○講○疏○言○八○月○六○日○達○賊○  
由○井○坪○至○朔○州○城○七○日○分○三○路○由○井○子○窰○青○屹○峯○侵○

至陽方邊接連猗兒澗水口等處殺官軍掠人畜又  
入水口佛老觀灰泉梁溫等處深入省城西南十日  
興嵐交城平虜與汾州文水清源十數州縣封壤連  
接一望平原民皆村居曾無堡寨比之邊城萬萬不  
侔且各賊未遭剽劫延住腹裡數日不出人心驚惶  
禍變莫測後報聲息尤爲可駭我兵進退不滿八千  
大同援兵雖至大約一千五百遣人督戰觀望不前  
兵勢至此後將何支山西地連畿輔密邇京師又  
與河南諸省止隔一山若不早振舉必成太患乞下

廷臣集議更新弦轍兵部尚書張瓚不以爲然曰虜  
今且退何事張皇先是虜吉囊擁衆數萬由延綏西  
路定邊營入寇時諸鎮兵悉分布守邊虜乘虛攻固  
原城分兵西掠殺戮甚慘會大雨浹旬道渰虜騎不  
得逞弓矢盡膠陝西總兵魏時督兵分道邀之虜始  
引旋至黑水苑延綏革任總兵周尚文盡銳攻之自  
巳至申凡三戰勝負未決吉囊子號小十王者驍果  
而輕率其勁卒三十餘人馳衝營中盡爲我軍所殲  
虜衆遂奪氣斂去寧夏總兵任傑副總兵陶希臯復



選銳于鐵柱泉迎擊之追奔出塞斬獲甚衆是役也虜以八月二十一日入境九月十三始出初至甚銳諸將莫禦其鋒乃深入內地縱橫擄掠既遇霖潦旋虜欲且饜顧惜輜重兼易我軍甚無戰志總督尚書劉天和以循省詔旨嚴切而諸將畏縮慮重得罪乃輒不用命指揮使牛斗郭二人時周尚文已奉旨革任持檄召之激以忠義尚文感奮遂有黑水苑之戰軍氣乃振而三鎮斬獲至四百四十餘級虜所擄獲亦復失亡過半天和以捷聞上大喜褒獎

天和卽軍中策加太子少保二十年虜酋俺荅阿不孩遣使石天爵款大同陽和塞求貢巡撫大同史道疏聞其事因言虜自弘治後不入貢四十年而我邊歲苦侵暴今果誠心歸款其爲中國利殆不可言第虜勢方熾戒心叵測防禦機宜臣等未敢少懈乞亟下廷臣集議所以待之者詔兵部集議以聞虜待命邊外屢向墩哨卒調進止一日邀守墩百戶李寶下墩以虜酒席地飲之載以馬擁入俺酋營與之歡飲虜衆有執掠哨卒刳其衣糧者俺酋聞而痛

懲之遣夷使送哨卒衣糧還巡按御史譚學復以聞因請速定大計准貢則後虞當防不准則近害立至且請多發兵糧遣知兵大臣趨臨調度相機緩勦兵部議覆從之先是虜酋遣石天爵求入貢上曰虜情叵測假詞紿我耳命舉大臣總督宣大軍務乃以樊繼祖往發帑金九十萬命發石天爵至鎮繼祖乃逸之去遂以我邊無備報虜酋吉囊遂率衆入塞副總兵丁瑋出師至寧武關東北十里石湖嶺遇虜力戰死之虜遂入關繼祖坐視不能救縱其死

入遊擊周宇禦之戰死虜遂入山西又越而南毀掠  
人畜數萬京師戒嚴乃起星馳總督京師南面  
及山東河南軍務旣而吉囊山岡未至塞上俺答復  
入又越太原而南至石州殺掠益衆上命繼祖發  
兵應援繼祖竟不應二十一年吉囊病死其子板不  
孩居套中小王子不及見台吉駐威寧海上俺答糾  
數酋經朔州至廣武天屹峽攻墻我兵敗績復召  
翟鵬總督宣大諸處軍務出賞格擒斬俺答賞千金  
陞不次他酋三百金陞三級時俺答請台吉呪刺哈

哈刺漢及叛人高懷志李天章各擁萬衆越太原列  
營汾河東西散掠上黨平陽下邑翟鵬時尚未至我  
帥連營莫相攝觀望不肯戰縱虜深入虜大衆駐平  
遙介休間散入險山中殺掠人畜諸將竟不肯乘險  
邀擊虜掠男女牛羊衣襪迤邐就大營結陣整衆且  
歸張世忠等自候城村起營盟約諸將躡虜諸將閉  
營不相援虜見世忠軍壯呼集精騎三千餘合圍之  
世忠憤曰諸將獨不念血盟耶世忠被箭傷鬚創下  
四面布戰虜亦窘會矢火藥盡世忠憤呼曰我軍

被圍戰苦諸將竟不相援國憲王則汝寧道耶復上  
馬往來督短兵血戰自己至西虜見我兵死傷衆無  
援久戰力竭遂躍我營世忠墜馬死虜乃復分掠定  
襄孟五臺又自代州出繁峙靈丘掠殺人畜萬計從  
廣武站出關安行自大同左衛及陽和塞去虜自六  
月入塞至七月凡掠十衛三十八州縣殺擄男女二  
十餘萬牛馬羊豕畜二百萬衣襪金錢稱是焚公私  
廬舍八萬區蹂田禾數十萬頃時山西提學胡松發  
偵疏曰虜寇南侵聲息不爲不章徹矣大同鎮巡與

之密邇可諉曰不聞知乎自度方能捍禦固當日夕  
設方畧簡人馬繕器械務爲不可勝以待敵卽力不  
能亦當疏言其狀請朝廷廣措芻糗預調鄰兵以  
併力捍禦之誠不宜默然而已也乃絨口養亂束手  
坐觀待其諸部旣集擁兵壓境然後以彼求貢之詞  
問是將誰欺乎矧又還其間諜絕不設備頗聞爲陰  
納賂遺欸令勿殘已地竟不聞以一矢相加遺而使  
之長驅深入衝行內地如陷無人之境夫受閫外重  
寄爲國家封疆之臣而若此豈不辱國體而敗王事

哉、察、其、所、以、蓋、緣、都、御、史、道、志、意、廣、奢、日、冀、遷、陞、既、  
不、以、地、方、爲、已、責、而、總、兵、等、官、人、欲、僥、一、時、之、倖、而、  
嫁、禍、于、後、人、以、致、虜、賊、敢、于、深、入、而、不、忌、是、山、西、之、  
禍、大、同、實、成、之、昔、春、秋、之、時、夷、狄、內、侵、仲、尼、深、罪、齊、  
晉、之、不、能、討、則、大、同、鎮、巡、者、固、春、秋、之、義、所、深、誅、也、  
語、有、之、曰、蟻、穴、不、窒、將、爲、江、河、毫、末、不、折、將、尋、斧、柯、  
言、微、之、必、著、而、積、漸、之、爲、大、害、也、始、數、年、北、虜、之、侵、  
我、也、雖、烽、火、時、警、疆、場、不、寧、然、不、過、緣、邊、而、止、猶、未、  
敢、公、然、無、忌、也、其、後、漸、知、我、之、虛、實、謂、莫、能、抗、則、深、



人闕南與嵐靜樂之境矣。然距偏頭寧武諸關猶未  
甚遠。亦猶有忌也。茲者一月兩舉。直踰平定而東。石  
州而西。視去歲所侵。又越數百里而遙。此其漸安可  
長哉。夫虜猶狗豕然。于此得便。則于此數來。丞相之  
則終莫敢至。臣不暇遠引論近事。正統中也。先入  
寇。賴清風店一戰而勝。胡人痛哭而不敢南。今虜暫  
退。宜及是時申戒內外任事之臣。勿以虜退而苟安。  
凜凜然常若有百萬之敵壓于境。日夜蒐補簡閱。激  
昂教訓。諸中外所上一切便事。果斷而力行之。務收

清風之提以全中原數百萬生靈之命臣不勝大願  
跪上 上拊髀歎以爲忠命擢用而當路者嘻笑之  
以爲越職自炫爾非所宜言欲頓蹙敗之擢山西參  
政備兵代州聽撫臣委用居數月虜入諭罷官自是  
虜益橫歲深入而輔臣覘 上意厭聞兵諸警謀不  
時上蓋 嘉靖初 肅皇帝勵精圖治克謹邊備  
而楊文襄一清胡端敏世寧李康惠承勛相繼爲本  
兵日嚴爲捍禦故虜患未甚其後 上旣玄修西內  
念獨在按名法刑賞繩邊將吏卽督撫大臣往往逮

詔獄劾治輕乃得謫戍而閣大臣筦國者頗倚寵納  
賂諸邊歲請帑藏金數百萬名餉犒而絡繹輸權門  
張勝諱敗冒功掩罪以故邊愈益圯而虜患益滋二  
十三年虜破宜府入紫荆關詔逮總督翟鵬巡撫  
朱方等以翁萬達代時鵬以不善附權貴通貨財再  
出總督例辭時宰私宅時宰惡之數日不得通鵬以  
邊事急遂行至鎮以邊乏疏乞兵糧時宰竟罷鵬革  
總制官終以罪受訖以翁萬達代萬達有計畧至鎮  
詰邊蒐卒次第修詣墻堡戎備大飭明年秋虜以數

萬騎犯鐵裏門，鴉傷谷萬達分軍爲二。故帥張達將左部，故偏帥張鳳將右部，達戰鐵裏門，虜却鳳戰鴉。鴉谷殺傷大當虜，欲解去，已憤曰：「南軍不數百，我以數萬返，何以復軍？」乃益合圍，殺鳳磁人王邦直，素負勇力，提大刀入陣，獨殺數十人，竟闔死軍，沒然虜亦大憚。明年復使使求款，邊卒徂前事殺之。萬達請治殺使罪，紓虜忿，且言虜款堅，宜羈縻制之，毋絕不聽。二十五年八月，套虜三萬餘人入寇，越延安府，至于三原，涇陽殺掠人畜無算。總督三邊侍郎曾銑請復

河套條爲八議一日定廟謨二日立綱紀三日審機  
宜四日選將材五日任賢能六日足餉餉七日明賞  
罰八日修長技計萬餘言指據明悉下兵部議行冬  
以議修築邊牆銑復言河套古朔方地自漢武帝遣  
衛青逐虜築城繕塞因河爲固唐張仁愿復于河北  
築三受降城卽國初東勝衛及東西受降城所地  
也後三城內徙虜遂據套爲穴深山大川勢固在彼  
而寧夏外險及南備河套得出沒自由東西侵禦煩  
勞三秦坐困故套虜不除中國之禍未可量也臣嘗

審度機宜較量彼我當秋高馬肥弓矢勁利糾合醜  
類長驅深入彼聚而攻我分而守此虜利而中國誦  
之時也及其冬深水枯分帳散牧馬無宿藿日漸羸  
瘠比及春深賊勢益弱我則淬礪戈矛備具火器練  
兵抹馬乘便而出此中國利而虜誦之時也今之禦  
邊者不務乘虜之誦而用吾之利常使虜得因其利  
而制吾之所誦是以有敗而無勝爲今日之計宜用  
練兵六萬人益以山東鎗手二千多備矢石每當春  
夏之交攜五十日之餉水陸並進乘其無備直搗巢

穴材官騶發礮火雷擊則虜不能支矣歲歲爲之每  
出益勵虜勢必折將遜而出套之恐後矣俟其遠去  
然後因祖宗之故疆并河爲塞修築墩臺建置衛  
所處分戍卒講求屯政以省全陝之轉輸壯中國之  
形勢此中興之大烈也臣願陛下斷自聖心亟定  
久計勅下所司預理財用治軍實比及三年許臣  
如前所奏事先于來歲三四月間陰選武銳掩擊鄰  
近零虜以習我軍之技而倡其勇敢所謂兵戢而時  
動動則威矣夫臣方議築邊又議復套者蓋築邊不

過數十年計耳。復套則驅斥完殘。臨河作陣。乃因家萬年久遠之大計。唯陛下裁之。疏下兵部并議。謂禦邊復套兩俱不易。二者相較。復套尤難。夫欲率數萬之衆。資五十日之糧。深入險遠。艱阻之穴。以驅數十年盤據之虜。談何容易。故不若修牆築邊爲計。完而成功可期也。第延綏一帶地勢延漫。土雜沙礫。居民隔遠。最爲荒涼。若欲一千五百餘里之地而責成于三年之功。恐未易集。縱使能成。亦難爲守。宜仍行銃等從長會計。上嘉獎之。然中外皆知兵弱財



窘○且○無○文○武○將○吏○恐○挑○強○胡○禍○不○可○解○然○亦○顧○忌○莫○  
敢○言○者○銑○區○畫○兵○食○關○中○騷○動○人○有○怨○言○又○請○戶○部○  
銀○多○至○四○百○萬○兩○外○議○益○沸○又○銑○于○大○學○士○言○僚○脩○  
也○欲○倚○以○圖○功○言○力○主○之○而○學○士○嵩○與○言○方○交○郊○明○  
年○會○官○再○議○兵○部○尚○書○王○以○旂○言○事○體○重○大○錢○糧○兵○  
馬○非○旬○月○可○辦○上○心○稍○疑○於○是○嵩○上○疏○直○詆○其○非○  
言○亦○疏○辦○上○意○且○不○測○而○嵩○攻○言○甚○力○言○懼○復○上○  
書○自○明○求○去○上○果○震○怒○奪○與○議○者○俸○而○逮○銑○下○  
詔○獄○會○甘○肅○總○兵○戚○寧○侯○仇○鸞○先○以○銑○劾○奏○被○逮○來○

京見銑敗乃賂嵩自訟許銑掩敗冒功倡議復套搖  
關中人心于是下法司擬罪銑言竟俱論死讐罪得  
釋遂厚賂嵩兩人深相得銑既死家無餘貲妻子狼  
狽遠徙天下冤之自後無敢言復套事矣時翁萬達  
議有曰蓋聞智者必待時而舉事君子不昧勢以圖  
功是故理有所當盡而機有所宜審志有所必奮而  
謀有所不可畧者是之不備難與慮終矣河套中國  
故壤界以黃河固天之所以限華夷也詎宜棄而不  
守然揆以今之時勢則有當復之理而無可乘之機

多必奮之志而鮮萬全之算是故不能不爲圖事者  
深長思也。自國家合受降而城東勝後又撤東勝  
以就延綏套地遂淪之犬羊爲日久矣。然正統  
成化間我雖未守彼亦未取不見可欲其不動不  
奪所恃其爭不力取之可也。弘治中我軍猶歲搜  
套搗其巢業不能復今虜盤據其中滋畜牧遂生養  
習爲固然。而小王子吉囊俺答諸部今益昌熾可三  
四十萬我承平日久軍政多偷三五年來雖賴廟  
堂注意修舉亦暫爾彼此強弱盈縮之勢較如兩何

可輕動爲也。且河套久淪虜中。間譟罕至山川之險。易途路之紆直。草木之有無。皆不能前知。我勞而往。彼逸而待。我馬山塞三日而疲。彼騎遍野一呼而集。卽師小利。尚難其歸。倘失鄉導。全軍何賴。且數萬之衆。緩行則虜得爲備。疾行則輜重不繼。吾尅日褻樹業。有定數。而虜遷徙無常。遠近不測。戰固無定地。定期也。一戰之後。虜或保聚。或佯逃。遯笏角時。聞壁壘相待。已離復合。終不渡河。我軍于此戰耶。退耶。又數萬之衆。出塞有數萬之衆。爲援否耶。糧道雖通。保無

抄掠不匱乏耶。夫馳擊者虜之所長。守險者我之所便也。弓矢利于馳擊。而火器利于守險。舍火器守險。而與之馳射突擊于黃沙白草之間。得耶失耶。今塞下兵。卽塞下之人也。有先人墳墓廬舍之守。有妻孥眷屬骨肉之愛。有不黍稷麻業產之戀。有牛馬牲畜養身之具。故其赴敵如赴私讐。宜有必奮然且迫于兵刃。休于死生。徃徃退怯。以煩督責。令驅之下無人迹之地。限之以可立盡之食。要之以難必成之功。苦之以不卽罷之役。恐之以方張百戰之虜。而欲得

之死力也。其將能乎。議者欲整六萬之衆爲三歲之期。春夏馬瘦爲虜弱。則我蒐于套。秋冬馬肥爲虜強。則我守于邊。三年三舉。虜必自困。夫物性不甚相遠也。秋冬虜馬肥矣。我馬亦肥乎。而乃止于守。春夏虜馬瘦矣。我馬不亦瘦乎。胡獨利于征。春夏馬瘦虜弱。不能爲寇。然坐以待我。何知其不能擾擊我也。秋冬馬瘦虜強。能爲寇矣。則多方設謀。何知其不能報我也。六萬之衆。非所以襲人。千里之途。非可以自逸轉盼之間。情態立異。奈何欲歲一爲之。俟三舉復之也。

兵家勝敗本難預期。一舉失利。士馬傷耗。議論蜂起。將已之乎。將竭天下之力。排天下之議。以俟其成乎。卽三年三舉。咸得志矣。虜敗而遯。我去復來。終不渡河。版築難舉。將何時已乎。蓋議者徒見近時搗巢之舉。恒獲首功。昔年大同五堡之城。虜不深競。以爲套地。易復而不知勢固有不同也。蓋搗巢因其近塞。乘其不備。勝則倏忽而歸。敗亦支吾以退。舉足南向。壕塹城堡可立至也。後援濟師可立待也。復套則深入人境。後援不繼。勝固開闔。敗虞陷沒。則事勢異也。往

城諸邊本近我土又沿邊之地虜不爲意雖少有侵  
取虜不恤也套地則自火篩入寇以來據以爲家四  
時之間不離住牧一旦欲取而有之彼肯晏然不爭  
乎則事體異也故曰殺虎易奪虎子難奪虎子易奪  
虎穴而居難今未爲殺虎而欲奪其子處其穴得乎  
議者又言伺虜出套拒河而守之亟築垣墻次移邊  
堡不知吉囊控弦不下十餘萬非不自支何拒空套  
以出沿河二千餘里築垣爲限豈時日可完移置邊  
堡非百數十不相聯絡置兵以守非千人不可而遊



微瞭望哨守不與焉誠恐布置未定而爭穴之虎已  
至矣況我邊河千里一年之食爲數億萬沿邊所出  
豈能自供必將仰給內地由內地而輸之邊遠者二  
千里近不下千餘里乃又自邊而輸之河卽糧餉可  
充飛輓難繼此尤所當先序而殫思者也事變之來  
曷其有極孰能逆覩異時者或自相攻擊或薦遭疾  
疫套地之復此其時乎今獨當謹我塞障儲我戎備  
和我行伍固我元氣以俟其隙計之得者也蓋慮事  
忠篤如此久之倦沓益求入貢萬達言倦沓乞貢請

叅酌其可否巡按御史黃汝桂疏奏自火節作梗重  
禮浸廢迄今四十餘年自嘉靖辛丑虜人肆叵測  
之謀石天爵倡入貢之請去歲至今又復踵行前詐  
豈可輕信墮虜計中蓋虜自庚子以來連年蹂大同  
深入澤潞甲辰由宣府抵紫荆乙巳丙午西掠延綏  
東寇遼東塗炭我疆宇殺掠我人民凡我臣工皆志  
殲○醜○虜○以○雪○積○憤○但○時○未○可○乘○勢○當○徐○圖○耳○故○貢○亦○  
寇○不○貢○亦○寇○者○夷○狄○之○故○習○也○貢○亦○備○不○貢○亦○備○者○  
邊○臣○之○至○計○也○事○機○貴○于○先○圖○軍○令○重○于○申○命○乞○嚴○

勅總督鎮巡等官過加防禦二十七年虜大入大同  
塞萬達策虜趙鎮安堡使總兵趙卿駐焉虜佯攻獨  
石卿違制悉走獨石虜遂踰長安嶺掠隆永得利去  
詔罷趙卿貶萬達俸二秩二十八年虜犯宣府滴水  
崖萬達謀知之曰虜素號宣府諸將易與耳今盛氣  
入其鋒不可當乃檄大同總兵周尚文曰虜且東二  
鎮相援制也其以兵趨滴水失期者罪無赦又虞尚  
文不時至則具疏請時尚文老矣尚健聞與士卒均  
苦樂士願爲之死得旨介而馳未至裨將董賜江

翰戰歿尚文遇虜曹家庄大戰敗之虜恃衆不退益  
治兵攻圍三日萬達計曰戰久矣兵必疲不援尚文  
是棄師也率壯騎數千赴之會大風起車曳柴亟進  
距虜四十里而軍虜大驚日翁太師至矣遂結營東  
遁宣府總兵趙國忠又敗之于大滹沱復與尚文等  
分道追虜虜狼狽夜遁萬達以捷聞議者爲數十  
年鮮此戰功久之又謀深入萬達疏請在關北者計  
在必戰以退虜在關南者計在必守以保邊勿以疏  
虞取敗上然之萬達尋召還郭宗臯代而尚文

亦卒張達代明年夏虜入大同塞達禦之虜爲三覆待我達恃勇不戒中伏力戰死副總兵林椿援達亦死達椿皆驍勇敢戰邊人惜之事聞達宗臯等罪

治有差以仇鸞帥大同其秋虜至鎮鸞使其黨時義賄虜令東寇薊蓟山外界虜恃三衛藩焉至是三衛反導虜深入至古北口巡撫王汝孝悉衆禦之虜佯督衆綴我師而別遣精騎具鉞鏃抉塞垣人我師後京兵大驚潰虜遂長驅內地將通通州巡畿御史王行馳驛通州曰此國家咽喉處也誓吏民城守收

渡舟艤潞河。勿使爲虜用。及虜至。以白河阻。不得  
渡。分掠密雲懷柔三河昌平諸處。扞夜爲疏。縱使走  
請援。京師始震。悉集諸營兵城守。僅老弱兵四萬  
人。又半役于總兵提督家。不令出伍。索武庫甲仗庫  
關據例勒賄。不時發。久之。未能軍。本兵丁汝襲以

聞。上大驚。詔侍郎王邦瑞定西侯蔣傳督九門。

門各守。以文武大臣集武舉千人隸焉。別募良家子  
蒼頭義軍垂四萬。登陴戍寧侯鸞保定。巡撫楊守謙  
俱以兵至。諸勤王兵先後至。上內視稍強。拜鸞爲

平虜大將軍諸道悉屬之進守謙兵部侍郎督師釋  
故叅將戴綸歐陽安等緊令從軍自効分遣京營兵  
屯城內外巷陌間營兵懼見敵驅之出皆泣下不敢  
前城外及近地居人擁人連絡不絕多被血淋漓至  
者時事起倉卒諸務未備勤王師聞變卽馳至未資  
糗糧制下犒師牛酒諸費皆不知所出戶部文移  
往復越二三日軍士始得數餅餌啓廩發粟則囊橐  
空饒皆無所需故士卒饑疲甚有餓死者上怒令  
奪尚書李士翱以下諸官職辦事虜日大肆焚掠至

東直門執御廐內臣八人以去郊民扶傷集門下閤  
不得入號聲徹西內上命啓扉納之是日虜遂騎  
往返六門外勤王兵無有敢撓其鋒者令所執內臣  
持書來多嫚語求通貢時上坐西齋宮望烽火四  
起計無所出召大學士嵩禮部尚書階問虜事嵩

言此掠食賊不足憂階曰虜在城下縱火殺人胡止  
云掠食當議所以禦之之策上顧階曰卿言是因  
問虜求貢書安在嵩出諸袖中上曰何以應之嵩  
曰此禮部事階曰今虜駐兵近郊而我戰守之備一



無所恃○宜權許以款○第恐將來邀索無厭耳○上悚

然曰○卿可謂遠慮○然則當如何階請以計款之言○其

書皆漢文○朝廷疑而不信○且無臨城脅貢之禮○可

退出大邊外○別遣使同大同守臣爲奏事○乃可從如

此○往返之間○四方援兵皆至○我戰守有備矣○上首

肯曰○卿言是因令再集群臣以議○日午群臣畢集○階

示以虜書○言欲以三千人入貢○許之則緩兵○不則益

兵○破其城○因陳筆劄○令各書所見○上聞群臣相顧○

莫敢發○時司業趙貞吉抗言○此何必問問○則恐後生

懦夫閤于事必有以和議進者且虜大舉入寇震  
宮闕譬扼我吭而迫乃許貢耶與城下盟何異檢討  
毛起謂時事孔棘宜暫許俟出塞而後却之貞吉叱  
起謬語然中貴人業已聞上矣議奏入時已暮

上思馳騎

召起至西苑

賜酒食令條奏貞吉大

言

陛下宜御奉天下罪已

詔詔速獎故都督周

尚文功併釋沈束獄以作人心且士卒不力以至將

多冒首功耳今誠募一首予百金捐十萬金虜且立

盡嵩卽請擢貞吉兼御史齎萬金往募首功已而虜

出華華城犯諸陵轉掠山西良鄉保定皆震大口

亭午上出御奏天殿勅責逮繫都史王儀王汝

孝總兵羅希韓就訊汝孝道梗不及逃時儀在通州

屯兵城外而閉城固守會仇鸞兵掠食諸村儀令人

捕之斃諸獄仇鸞大譁遂爲御史所劾逮至以愓怯

不戰削籍超遷巡按王忬爲僉都御史守通州時上

下恬熙忽遭變木兵束手無措卽偵報無一當者每

往偵不十里遇遇寇者訛言卽返報復遣一卒亦復

爾日數十報卽城中數十驚于是大同軍故爲推髻

掠村落無所忌。卽捕之。輒自詭曰。遼東軍蓋朵顏諸  
部虜。謀云導之入寇者也。鸞方蒙寵眷。人不敢忤大  
同軍。而帝以其入援爲諸道先。卽掠食足。矜鸞亦  
自私其軍。不繩以法。汝襲無可奈何。輒令曰。勿捕大  
同軍。大同軍益驕。而又自稱遼陽軍人。遂謗襲山東  
人庇其鄉耳。及虜薄城。而汝襲受計于嵩。令諸將勿  
輕戰。虜飽自去耳。諸將故不敢戰。乃誘曰。汝襲有禁  
勿戰語。稍聞。禁中而鸞率兵故遠屯郊坰。虜薄城。  
楊守謙屯城下。兵少不敢擊。虜城中人人見之。而鸞

遠避無從驗。自謂擊虜酣戰。不能回薄城也。而虜多  
殘中貴。庄野中貴遂謗汝夔。守謙貳于虜。上乃命  
執汝夔下獄。而遣官自軍前逮守謙。卽訊爰書。少緩  
上坐齋宮。大怒。刑部彭比周故緩獄。以覲倖免。亦就  
逮。廷杖奪俸。久之虜已東。京師解嚴。丁亥。葉二臣  
于西市梟。以徇時科臣按例三覆。上亦杖之削籍。  
仍追故貞吉廷議多翫儼。謂其狂誕。申理周尚文沈  
東而齋金不能得首功。杖謫焉。詔大將軍鸞盡督  
宣大保定遼陽山西勤王兵出軌虜。而鸞實中情怯。

利大言厲妓外爲容已虜剽得金泉子女無算意欲滿乃循諸陵而北翔去鸞終憚不擊而潛與之通虜安營輒立營其旁睨之虜去復尾其後名截殺名追捕實不一當虜虜旣退乃收斬虜所遺戎雅弱及降若逃者以捷聞虜所至書牆壁間曰仇鸞免送于是詔鸞督京營虜旣歸會疾病人畜多死虜掠皆歸部落稍中悔鸞懼虜且復至陰使人暗以開市俺荅遂上書求貢三十年春使子脫脫詣塞下申請督臣蘇祐以聞下廷議咸言邊事陵遲甚矣

姑從虜以紓吾邊且永樂成化間嘗許女直三衛市矣何獨靳于虜詔給金十萬易布幣開市五堡漸及延寧以侍郎史道經紀其事駕部員外郎楊繼盛疏條其不可畧言虜踐躡我八陵皮剝我赤子而先之以互市此爲損威重而長寇讐今之爲繆說者不過曰吾外假馬市羈縻虜而內得自寬修武備夫虜至逆也至無厭也人心憤之矣不及時激厲其氣用之而和以自弛使邊人媮好永美食忘其憤而懈于備噫豪傑效用心之○心○往○者○邊○私○通○虜○吏○猶○得○

以法裁之。今導之矣。是開百姓不靖之漸也。又不過  
日得馬以資吾軍。不知既已和矣。馬焉用之。且虜安  
肯捐其壯馬而予我。蓋其人內迫于國家之深恩。  
圖倖目前之安。以見效。外懼于敵之重勢。則務中其  
欲。以求寬。惟陛下獨斷下相嵩等八大臣議。皆憚  
驚。唯唯。密疏爭下。繼盛詔獄。訊謫宦。乃馬市則  
費金幣萬計。願獨得駑馬。乍市已。卽繫牝牡。駒引之。  
馬騰躍長驅去。實不得一馬。而我叛人蕭芹等素導  
虜謀。中國不利。虜款欲敗之。謂俺答曰。中國毒水上。



流伏甲市。倘若幾殆。僉答曰。心疑其左右復受芹賂。爲言芹有異術。能使城自頽。愈益動市。畢潛犯左衛。并使其黨爲內應。會謀洩。引還。史道遣人讓虜。虜內媿。因以千騎隨芹入試。其術不效。遂執以與我論功。道進尚書。鸞加太子太傅。道復爲虜請。以牛羊易粟。廷臣多謂虜欲無厭。不宜聽。督臣蘇祐疏言。一牛數庾。一羊數釜。米如珠而牛羊如山。竭廩不能厭也。虜無親而貪寒盟。其心耳市虜以安邊也。朝市暮掠。何危如之。必勿許。詔從祐議。召道還。其冬大入邊。

殺掠邊臣詰之漫應曰此貧虜掠食耳我不能禁卽  
中國能禁民勿盜耶三十一年復請市弘賜堡御史  
李逢時以非期拒却之俺答恚益縱掠逢時上請合  
兵征勦上命鸞相機捕逐毋仍觀望然鸞偃蹇畏  
懦不敢發兵進討又恃通市不爲戍守而大同總兵  
徐仁復驕縱恣意腹削爲囊橐計巡撫何思亦以通  
市故禁邊軍拒虜者抵死以故虜衆出入關隘無復  
顧忌動稱貢市有司廩餼惟謹至是大掠懷仁諸堡  
守將莫敢誰何議者咸咎馬市非計鸞內恐因請邊

塞毋扼虜縱其深入內外合擊破之必矣兵部謂深入則蹂我幾輔縱能破虜其傷實多鸞議紉復請率兵出塞捕虜上不許然鸞實中怯無意行特恃寵嘍咤以虛聲聳朝廷而學士嵩亦與鸞交郊數干上前言鸞不戰非計于是令兵部傳諭須一大創自是亦覺鸞不足恃矣已而邊報益亟鸞疾劇不能出師猶戀大將印不欲辭請輿疾出師免陛辭從之然實不能出也尋病死都督陞炳發其奸詔剖棺尸諸市籍其家悉罷諸邊馬市更言者死嗣是頗

年侵掠三十二年冬虜衆二十萬薄古北口烽火達于京師上懲庚戌事憂日肝忘食遣使偵諸軍戰守狀時薊遼總督楊博躬擐甲乘城督將士防禦甚力虜百道攻之博隨方拒擊終不能入使者以狀聞詔賜犒之博宣示威德將士氣益倍虜不得利乃引去事聞進博都御史時虜患益熾朵顏挾之索賞無時守臣奏留山海關稅銀給之又選卒出塞輒縛求取贖諸將苟與無事歛軍資賂之少不與則殺所縛其暴橫如此明年王忬以侍郎督薊遼大却虜

于喜峯口因籌三衛令鎮巡以綺繒胡粉之屬結其妻孥尉撫備至又約薊遼總兵各以六月耀武其地旌旄經百餘里鼓鉦不絕三衛稍惕復爲我用三十年誅叛人張邦奇呂仲佑邦奇衛舍人與丘富周原趙全李自馨等皆以白連教捕悉先後叛入虜虜居之豐州號板升板升華言屋也富最用事日夜教虜治攻其懸川積粟收知畧士與謀我邊民黥知書者踵鱗虜俺答令富試之能者統衆騎不則給甌脫地令事沮擄御史李鳳毛言虜累入犯謀由富等乞

令副使楊順計獲、詔給順萬金、毋問出入、下令擒、  
斬俺答諸酋、予萬金、伯爾擒斬丘富、周原二三百金、  
授三品武階副總兵、田世威密遣富故人王勲及弟、  
浩入虜、招富降、大同人孫廷美亦陷虜、與浩共說富、  
富問儒生計、安國畱與歸、孰便、安國曰、公華人也、乃  
爲犬羊用乎、今官家方急、公宜亟歸、取功名、毋失邦  
奇、謂富曰、中國購若歸、且遺之擒、富怒、令邦奇與浩  
質、邦奇罵浩、若賣丘公與中國耳、富怒、殺廷美、浩約  
呂仲祐、內應攻大同、勲逃歸、謀復、弟警適、邦奇挾虜

騎至邊索所倭乃識書伏甲執之并得呂仲祐姦狀俱伏法論功陞賞督撫諸臣官計安國爲鎮撫厚恤浩廷美家三十六年俺答入宣府塞冬大掠大同塞其子辛愛妾挑松寨者以私通部目蠻帶帶懼誅來奔辛愛大恚縱騎索諸邊且詐言以我叛人丘富來易總督楊順懼議遣還或曰無爾也我失丘富而彼得蠻帶沮降且辱國順竟私與之辛愛傑以殉虜竟不執送丘富攻圍右衛益急烽火斷絕順告急總兵尚表轉餉海邊圍數重經月不解城中至併竈而爨

危在旦夕、亟命督運濟之、久之、大兵集虜、拔帳北遁、  
運餉始至、居民呼聲震地、慶爲更生、連歲大同以守  
者、非人虜視爲往來通衢、不分冬夏、與華人裸處其  
地、上心憂之、凡動發太倉銀歲、例外以數萬計、類  
爲守者交關當路、侵剋賂遺、而邊民所沾不及十之  
二、馴致勢不可支、則倡言宜大可棄、以証聽聞、旣虜  
圍右衛、上屢問計于輔臣、嵩意欲棄之而難  
于言、乃對本兵許論習塞事、請降論、問之、論阿嵩  
遂言右衛遠在大同西北、深入虜地、異汭所以得安、



由東西堡寨聯絡策應之也。今墩堡悉毀，千虜遺一孤城于極塞外。故虜一圍，困卽聲問，隔絕計非重兵驅之，虜不肯去。卽虜去而兵無宿糧，計必速散。散則虜必復來。今圖爲永安，則必復該衛兵馬原額。以今地方荒歉，芻粟踴貴，計其糧餉非五十萬金不可。果爾，則此彈丸一城，雖孤懸虜地，猶可保也。論蓋設爲難詞，欲上自棄之。上顧益憂念汲汲，措餉發兵援之。虜尋引去。右衛以存辛愛圍大同，急起楊搏督宣大，尋連寇遼東。總督王忬檄故都督楊照破走之。

校聞以嚴嵩挾恨竟擬不錄明年春虜入薊州塞  
自練兵議起薊鎮客兵減十之二而春防視秋又殺  
十之五以故鎮兵最爲卑弱是時把都兒辛愛率數  
萬騎以朵顏酋影克哈孩爲嚮導入寇呼所遣偵諜  
皆被殺遂薄塞下忭䟽請援兵嵩謂忭挾虜爲重欲  
坐費帑金不報適灤河暴淺虜遂由潘家口入塞大  
掠薊州忭遣總兵馬芳等以輕兵八千夜馳虜後牽  
引之虜不敢深入三日引去忭兵尾而擊之獲首虜  
數十級是歲俺答由鎮羌入西海畱老弱豐州大同

總兵劉漢謀乘間攻板升叛黨乃使部將王孟夏等以三千人先趨自以重兵繼之斬獲百餘縱火焚其居而不得丘富等其後富以掠邊中流矢死四十一年秋虜寇遼東塞總兵楊照率兵襲之敗死明年冬虜大舉由牆子嶺入大掠順義三河諸將孫臚趙濤俱敗死胡鎮拔柵走京師戒嚴上怒逮督臣楊選誅之虜聞旬日引去四十四年冬黃台吉突入洗馬林把總江汝棟伏銳卒二百搏之幾獲以救至脫去明年肅皇帝崩當帝世虜諸部獨俺答強

黃台吉其子也。尤剽悍。嘗勸其父母臣土蠻。土蠻伐之。不能克。遂與連和。亦不利。阿爾禿廝始雖通匪。西海爲甘涼患。然猶與虜角。其後亦析而入于虜。塞東西岌岌憂之。帝嚴明虜軫邊計。一不當輒執戮行。間大吏嘗一與虜市。未浹歲絕之。而邊臣顧私賄虜。相與爲欺。蔽邊大圯。隆慶元年秋。趙全說俺答寇山西。曰。晉兵弱。石隰間多肥羊。良鐵可致也。彼藉官雲爲救。遠來罷安。能抗我俺答。乃分六萬騎四道並入。入井坪。入朔州。入老營。入偏頭關。卒皆悍勇。邊軍

遇之披靡副總兵田世威嬰城自守遊擊方振出戰  
敗入壁創甚總督王之誥聞變率六千騎抵鴈門檄  
大同總兵孫吳入援吳與山西總兵申維岳俱逗留  
不進虜薄石州攻陷之殺知州王亮屠男婦幾盡進  
攻汾州趙全遣間爲內應州人獲之得先爲備虜攻  
八晝夜不能克遂分掠文水交城平陽介休間所殺  
虜男婦復數萬計邑里爲墟時黃台吉以偏師駐宣  
府塞下綴我兵之詰奉詔還懷來護陵寢巡撫  
王繼洛駐代州不敢出虜隔內地浹三旬無與抗者

值雨潦半亡其騎乃遷延出塞去事 聞 詔逮維

岳世威論死繼洛謫戍邊吳落職之誥罷去三月衛

苗董忽力勾土蠻入薊州塞大蹂昌黎撫寧樂亭盧

龍間 京師爲震總兵李世忠避虜不敢擊壁李家

莊虜圍之援至乃解總督劉燾巡撫耿隨卿檄諸將

追虜會大霧虜迷失道墮棒樵崖中崖深十餘丈積

尸爲滿後騎踐之而過諸將張臣等謂知爭趨至割

虜首報功世忠乃濫乃平民爲言者所劾謫罷有差

二年 上詣山陵顧瞻塞下念薊愚以譚綸督薊威

繼光總兵綸與繼光皆嘗用南兵破倭相與計薊兵  
屢屛後有朝氣而無暮氣不足賴宜用南兵並召募  
至三萬令卒治塞垣夾垣爲臺高數丈矢石相及環  
薊而臺者三千垣周二千餘里虜自避不敢深入薊  
四年夏俺答大舉犯平虜叅將張剛幣賄虜使移攻  
威遠總督陳其學率諸將馬芳等與戰漢虜相紛拏  
殺傷大當虜退剛下吏其學去王崇古代其秋虜入  
遼東塞至錦州總兵王治道自山海關馳至欲出戰  
巡撫李秋日千里趨利兵家所忌將軍且休矣治道

不聽促叅將郎得功先進治道繼之虜伏起兩將皆  
沒敗書至上方憂虜而大同報虜酋把漢那吉來  
把漢那吉者俺答第三子鐵背台吉子也幼孤鞠于  
俺答妻一克哈屯所長而儼俺答愛之爲娶反慎部  
女曰大成比妓那吉又自聘兔扯金女未及婚會俺  
答有外孫女已聘襖兒都司矣俺答聞其美自取之  
號曰三娘子襖兒都司怒且治兵相攻俺答懼奪那  
吉所聘女與之那吉恚恨携其部南走扣敗胡堡求  
入邊吏莫解以爲一胡雛于中國亡繫也總督王崇



古大同巡撫方逢時相與計此奇貨可居吾豐館餼  
飭與馬子官爵尊顯之以示虜令俺答而急之與則  
因與爲市必繫送降人必保塞奉要束陽申其砥犢  
之愛而陰制其命卽俺答而不急之與我因而撫納  
如漢匈奴質子事使招其故部居近塞亦遙足羈縻  
俺答老且死而黃台吉者立勢不能盡有其衆我以  
一屠者谷蠡秩秩之置塞外以觀其俯存舊部落勢  
必響應黃酋聞其復反勢必忿爭其與黃台媾我則  
兩利而俱存之其互相讐殺我得因勢而制之外不

失與滅繼絕之名。而內收其力。此萬世計也。若循舊  
例。安置海濱。使抑鬱愁苦。彼不過一中國禁錮之囚。  
而俺答怨忿侵擾不止矣。因具以其章上。問。詔  
授吉指揮使阿力哥正千戶御史葉夢熊疏爭之。謫  
去時俺答掠西番得報疾馳歸。約諸部兵入塞。  
索那吉趙益教虜必困我。那吉乃出一克哈屯開  
全謀。哭罵俺答曰。耄倖不遄死。信漢叛兒反覆。乃欲  
侵漢。漢止馬強。安能必得志。是速殺吾孫也。俺答乃  
損全遣人來。所請崇古故。不令見。那吉引夷使登高

閣驕從導那吉過其下使者訝其那吉耶胡爲乎漢  
威儀耶諦視之果那吉也則喜歸報俺答崇古因使  
使與俱說俺答曰趙全諸叛逆天下之惡一也惡于  
中國而保于爾何利請受而甘心不則勿復望那吉  
矣俺答始意中國恚其歲犯邊必殺那吉及聞無恙  
則大喜敬謝使者曰太師全吾孫我何敢藏叛虜復  
使使來定約因請稱臣貢方物開市崇古爲聞諸  
朝來報屬黃台吉以萬騎趨大同崇古質責其使曰  
與我好而掠我何也使謝曰彼未及聞耳無他端因

還語俺答馳召黃台吉黃台吉喜出張家口宣領兵  
斷其歸路虜前部欲戰黃台吉日曰戰則敗約我無  
辭于太師整兵而西出拒門堡俺答隨收捕趙全李  
自馨劉四老祖諸逆梟以獻周元問變報毒死始全  
與丘富俱附虜富死全益重虜初入塞止盜村落不  
敢入城堡全教虜左右疏計課技人畜益習攻取圍  
困掩襲事諸鎮疲于奔命矣全有眾萬人騎五千牛  
羊稱是白馨及元差減最下者亦千騎俺答每欲盜  
邊先置酒全家計定乃行全爲俺答建九楹殿奉居

之尊爲帝會大風飄棟瓦殺數人脩答懼不敢居而  
全等各建堡治第擬于王者初陷石州時全謂脩答  
曰那顏春秋高矣而戰勝攻取以能擁北地精兵也  
那顏一旦捐館舍衆屬黃台吉黃台吉之諸子素驕  
悍勢必奪而分之則無所就功那顏莫若以此時據  
有雲中上谷東封居庸南塞鴈門獨以一面西制晉  
代進則飲馬河汾退則歸重雲谷此五伯之業也謀  
未定會我兵調募四集虜人馬道死以萬計遂遁去  
朝廷屢計購之不能得至是乃伏法全未至時已

詔那吉歸俺答迎之河上祖孫嗚嗚相勞苦曰帝  
天也覆露我使使入謝申請貢市崇古爲奏虜款堅  
宜聽且乞詔遼臣毋燒荒搗巢生虜孽下廷議  
兵部尚書郭乾言虜方求款卽要我以不燒荒不搗  
巢他日者若要我以乘塞不設備其將如何宜更議  
毋遽許廷臣咸言市虜先帝所禁奈何弛之崇古  
言先帝時虜方張又勾自逆鸞故盟易寒今虜實  
仰我搏頸待命何慮何嫌而絕之歡且國初嘗王  
和寧王順寧矣弘治間小王子三歲三貢矣是之

不遵而徒藉口于先帝何也因條爲八議以進廷臣言利者十三言害者十七相持不決大學士高拱張居正力言崇古議是請于上報可五年三月封

俺答爲順義王其子弟各都督同知兄弟子各指揮千百戶有差勅賜俺答曰我祖宗受命御宇內外率服朕纘承不替頃因爾孫來歸特命邊臣護視以禮遣還爾懷哉朕恩稱臣奉貢俘獻叛逆烟誠川章朕遠稽前代近覽本朝欵塞稱蕃厥有舊典是用錫爾王封并及子姓部落皆有常秩爾當堅守

臣節約束爾衆毋爲邊患。朕亦勅邊吏同好棄惡。爾毋食盟。自于天罰。俺答率所部受詔甚恭。使使貢馬謝百官。班賀兵部下市。令貢馬不過五百匹。簡上駟三十進御。夷使不過百五十人。設藁街于邊城。無令入都市。期自二月至四月爲率。大同于左衛威虜堡。宣府于萬全右衛。山西于水泉營。俺答以威虜無水。改市得勝堡。黃台吉與父不相能。欲自別異市。新平堡市物虜以馬雜畜皮毛。我以金銀綵繒諸貨。官市畢聽民市。是年九月報市成。凡得馬七千餘匹。



官給直六萬緡賞賜酒肉布帛費四千緡西虜吉能等復請市詔予吉能市紅山墩切盡着力二萬市寧夏清水營始俺答受封時切等在營語使者曰我西陲之酋也帝何遺澤焉崇古今使者好語曰若無虞陝西太師行爲若請矣旣而總督王之誥議令數歲不益邊乃許崇古言吉能與俺答叔姪勢相依倚許俺答而不許吉能俺答必陰呼吉能市晉吉能亦必陰誘俺答窺秦彼兩利也市晉則物力不給窺秦則閭閻騷擾我兩害也將旦夕生患安能數歲之

詔議非是之誥去戴才代才上言陝西諸番歲久不  
可令虜雜其間延寧二鎮雖迫虜然法令嚴無干品  
闌出者奈何自弛禁使虜生心無已則令東市三鎮  
示羈縻上謂讓才而封吉能爲都督同知部酋四  
十九人授指揮千百戶有差卒許市方三鎮市畢虜  
更乞月一市崇古爲請不許明年春老把都吉能相  
繼死俺答表言欲歸心佛敎請金書經及刺麻僧  
詔給遣之已復以四事請給順義王印封諸婚市鐵  
鍋聽虜使入京崇古皆言宜許兵部議旣予封矣其

何漸于方寸之印予之當鐵銅宜勿予卽予予銅毋  
予鐵使者毋聽入止而餐之邊諸壻稍給賄物毋輕  
予官從之俺答機變械飾身赴市場凜凜遵約陰令  
其子弟躑躅邀索因而調停示德黃台吉市每後期  
部下卒時掠我民復劫車夷革固等東徙革固者不  
知其所從來嘉靖間始流居宣府塞下而先是有  
史夷者亦以黃台吉暴虐自拔歸御史劉良弼言二  
夷罪處爲我外藩車夷旣劫則史夷之勢自孤史夷  
復去則北路之藩盡徼中國制馭不可不謹詔俺

答歸車夷自俺答款後塞下稍寧邊臣皆論功受賞  
大學士拱辰疏言頃北虜款塞三陲晏然邊氓釋戈  
而荷鋤闕城熄烽而安枕此自古希覩之會而今乃  
有之實我皇上聖德誕被神武布照之所致也方  
初議時發言盈廷而臣等所爲仰奉宸斷贊成大  
計者其說有三焉夫夷狄之性譬則禽獸適其欲則  
搖尾而乞憐違其類則狂飈而反噬爲中國計者惟  
當因所利而順制之固非可以禮義馴服法度繩約  
者也嘉靖中北虜求貢不過貪求賞賚與互市之

利而止耳邊吏倉卒不知所策當事之臣憚于主計  
卽其請而斬使者絕之于是黠虜怒憤擁衆大舉或  
在宣大或在山西或在昌薊甚或直抵京畿二十  
餘年迄無寧日遂使邊境之民肝腦塗地屯田荒蕪  
鹽法阻壞帑藏傾竭土馬罷頓則往歲失計之明驗  
也○今天佑國家使其孫委命自至賴朝廷處置  
得宜彼遂感恩慕義稱藩請貢是天以安攘之機贊  
我也于是因而受之不惟名順義美而可以息境上  
之蹂踐可以免生靈之荼毒可以省內帑之供億可

以停士馬之調遣此其一也。國家時當全盛自可  
以警備百蠻况其輸誠稽顙稱臣請貢較之往歲呼  
關要索有萬不同拒而不受不惟阻其嚮順之意又  
且見短示弱將謂我畏之而不敢臣非所以廣明  
主之德威于海內也。故直受而封賜之可以示與  
圖之無外可以見桀黠之威。宿可以全天朝之尊。可  
以伸中華之氣。即使九夷八蠻聞之亦可以堅其畏  
威歸化之心。此又其一也。然斯二者猶非要領之圖  
謨國者本盡之所在也。虜自庚戌倡獫以來。先皇

帝常切宵旰之憂下 詔修舉邊務者屢矣然勞功  
費財迄無成效者非直當事之臣虛文應故而然也  
虜時內侵應接不暇卽有修爲隨經殘破方尺寸之  
未成忽尋丈之已壞故不能損累以日就于成而徒  
費無益也今虜旣效順邊境無事正 國家閑暇之  
時積我錢穀修我險隘練我甲兵開我屯田理我鹽  
法出中國什一之富以收胡馬之利招中國携貳之  
人以散勾引之黨卽有沆幾密畫皆得次第行之雖  
黠虜叛服靡常必無終不渝盟之理然有一年之日

方○則○有○一○年○之○成○功○有○兩○年○之○時○月○則○有○兩○年○之○實○  
效○得○三○五○年○寧○靜○必○將○安○頓○可○定○布○制○可○周○兵○食○可○  
充○根○本○可○固○而○常○勝○之○機○在○我○矣○如○是○而○彼○能○尋○思○  
則○我○仍○示○以○羈○縻○之○義○彼○如○背○約○卽○我○得○遂○興○問○罪○  
之○師○伸○縮○進○退○自○有○餘○地○此○則○要○領○之○圖○謨○國○者○本○  
畫○之○所○在○也○由○前○二○說○旣○皆○驗○于○行○事○山○後○一○說○方○  
取○必○于○將○來○若○苟○見○一○時○寧○息○遂○爾○偷○怠○沿○習○故○套○  
博○弄○虛○文○止○圖○苟○免○一○身○照○顧○貽○患○來○者○則○良○時○一○  
過○不○可○復○得○邊○備○寢○弛○愈○難○振○揚○卒○然○有○變○將○何○以○



應則臣等一念謀國之忠。覆成他日誤國之罪。此在  
今日不敢不盡言者也。伏望 勅下兵部嚴飭督撫  
將領諸臣。改絃易轍。具奏議處。仍賜 勅戒諭。責其  
成效。每年特差才望大臣。或風力科道官。分投閱視。  
若錢糧若險隘。若兵馬器械。若屯田鹽法諸事。每歲  
拓廣整頓條實具報。著有成績者。與擒斬同功。仍襲  
故常者。與失機同罪。則邊方之實政。日與中國之元  
氣日壯。而 廟堂得坐勝之策。天下幸甚。其後俺答  
死于黃台吉。嗣黃台吉死于世力良台吉。嗣各邊修

貢互市如初故東至四海冶西盡甘州延袤五千餘  
里無烽火警行人不持弓矢近邊水達屯田悉墾治  
如內地燉臺哨望之卒漸散去所省鎮餉歲不下數  
十萬石先後督撫諸臣及時修邊險歸器械練兵馬  
三歲一大開舉無廢墜獨東虜上蠻未靖而朝廷  
之所經畧亦專事于遼之東西焉初東虜見俺答已  
得款而獨已土蠻連把亥請封不許故騎踞耻言修  
貢事隆慶五年四月寇連山驛五月寇盤山六年  
寇長勝堡萬曆元年犯鎮西堡邊外秋七月寇鎮

嶺冬十二月寇鎮寧時江陵當國令人築亭障修烽  
火前後所受當事甚備虜人犯輒大創去乃糾建州  
屬夷以冬十一月寇清河逆酋王呆誘殺我裨將裴  
承祖等督撫張學顏與總戎李成梁鼓行而前乘勝  
直搗紅力寨斬獲無算先是土蠻與俺答吉囊皆小  
王子後爲元種住牧雲中迤北俺答強東置駐兒可  
爾鎮西置吉囊于河套遂橫行沙漠間土蠻東北徙  
舊遼陽厥子孫雖不能頡頑于黃台扯力而生聚日  
蕃衍衆可八十萬有八大部世爲虎藪兇慙猶華言

可汗也。雜于二十四營中。時出沒爲遼患。而受賞于  
廣寧。頗就戎索。無它異。兵甲粗具。邊人呼爲皮襖達  
子。萬曆末。酋陳漢兒者。新立。年少嗜酒及色。卽能  
雄視。朶顏諸族。會奴酋勃起。嘗蠶食其邊界。驅殺馬  
牛羊無數。不能支。且大市在宣雲。皆俺答後卜失兔  
輩爲政。彼貪漢物。每附市。其牛馬皮角。擅割多爲卜  
部所漁食。積不能平。會卜酋款久。君長參于繒絮。類  
葉部落。亦稍稍效。拔升大邊有誅茅構土室以居者。  
勢益傭弱。揀部以久荒漠。恐嗜欲惡衣食。旣爲奴所

通處遂悍然有故土之恩焉則席捲西行戰克哈慎  
兀擺諸部無有抗扞者徒帳直壓宣雲迤北擁八娘  
子各有部曲其志亦將曰我亦欲得金印斗大北順  
義王而所爲大市諸漢物俛得之以伏臘祭其先人  
丘墓自爲大可汗不亦愉快乎天啓末遣百人講  
于新平堡守將盡夜襲克殺之則憤而起衆薄大同  
城殺軍民數萬諸城郭燬大震屬今上卽位朝  
議以新城王象乾久在邊邇此酋數十年鎮薊時  
曾爲加撫賞遂從致藉召入京年已八十矣平臺

召對王曰臣能號召西北永邵諸部合從以抗之無  
難也于是用爲總督盡監護諸將于陽和至則果令  
卜永輩合從與揮戰皆戰負揮鹵卜酋閼氏與其印  
弄而熟視曰爲大可汗何需此廼盡夷故俺答諸種  
遣精騎入套吉襲子孫俱頻首屬之東起遼東西至  
洮河皆受此虜要約矣象乾不能持初議則上章曰  
急用款天子計猶豫姑許款尚責戰王公則遣通  
事與講而自以爲財走家童入燕市市鱗紵鍍作金  
銀卮盃好者遺之曰此不腆聊以賀可汗且需後命

也事勢始緩而象乾亦以憂愁病偏枯臥起不離床  
房棟亦遣好人侯王公遺之佳酪漿養牛善馬其胡  
雛曰記得我祖若父言世世受王太師馬法恩王太  
師馬法在吾屬寧敢反乎于是盡變平臺召對語持  
欵疏上廷議猶斷斷稱和戎非計上終俞象乾  
策乃講欵事新加八萬于邊門外開刀刑白馬以盟  
曰爾無我詐我無爾虞嗚呼廟謨深遠矣  
建酋古女直裔也凡有三種其極東曰野人女直去  
塞遠歲附海西市開元十八貢亦不冠邊其一東方

諸夷之爲衛所甚衆而建州領其名并毛憐曰建州  
女直卽今奴兒哈赤之屬其曰海西女直則開原南  
北兩關之夷並故都督王台部也 永樂初崔婁夷  
來歸置塔山塔魯諸衛併外藩 宣德四年海西女  
直始入寇寢勾建州剽掠 正德間祝孔輩等亂阻  
朝貢至 嘉靖初夷酋速黑忒捕殺叛夷猛克修貢  
惟謹 賜金帶大帽其後王台益強能得衆居開原  
東北貢市在廣順關地近南關稱南關其遼加奴仰  
加奴居開原北貢市在鎮北關地近北關云開



元孤懸扼遼肩東建州西恍惚太二夷常謀窺中國  
而台介東西二夷間扞蔽令不得合最忠順因聽襲  
祖速黑忒右都督爲之長東陲晏然是年兵部侍郎  
汪道昆閱邊總戎李成梁請展築寬奠等六堡其地  
北界清河近酋王果東隣兀堂諸酋去遼陽二百里  
方修築十岔口寬奠堡巡撫張學顏按視兀堂等數  
十酋環跪稱修堡塞道不得圍獵內地願質子所在  
易鹽布工竣學顏疏請聽市寬奠永奠謂東夷惟易  
米布猪鹽無馬匹他違禁物與開原廣寧撫順異卽

以市稅量充撫賞予之便

詔曰可自是開原而南

撫順清河靉陽寬奠並有市諸夷亦利互易無敢跳

梁是時東夷自撫順開原而北屬海西王台制之自

清河而南抵鴨綠江屬建州者兀堂亦制之頗遵漢

法三年春王杲復糾虜盜邊副總兵曹簋厚市夷賞

謀杲匿哈納塞勒精騎馳勦得二十六級杲僞以蟒

掛紅甲納脫走將投土蠻會撫順關質市夷悉購杲

乃走素所善東夷長王台所開原兵備使賀濤宣諭

台台向忠順遂與子虎兒罕執杲送境上轎車傳致

獻俘 詔磔杲加台龍虎將軍秩跡西虜二子並進  
都督食事王杲既誅其子阿台潛倚虎兒罕 朝議  
方懸購之會選加奴仰加奴欺王台老與虎兒罕仇  
殺阿台亦怒王台縛送其父日夜伺隙報復因叛投  
仰逞勾北虜數掠孤山鐵嶺成梁復勒兵出塞別將  
秦得倚馳而北李平胡馳而南大破賊于曹子谷而  
仰逞二奴結婚西虜哈屯恍惚太潛爲嚮導勢漸張  
因盡奪季勒諸寨調兀刺江上夷與虎兒罕構兵是  
後仰加奴等十三寨止遺把吉把太可五寨屬台他

如灰扒兀刺及建州夷各雲翔不受鈴束南關勢漸  
盛台竟以憂憤死 上嘉台忠特 賜諭祭台有子  
四長虎兒罕次三馬兎次康古陸次猛骨孛羅而三  
兔馬早歿康吉陸屬台奸生者爭分父業爲虎兒罕  
所誦亡抵違家奴過加奴以女妻之猛骨孛羅毋溫  
姐又北關二虜妹也而故西虜壻因借兵黃台吉復  
季勒諸寨黃台吉陽助之實陰收白虎赤等白益巴  
虎兒罕歿則南關勢愈孤十一年癸未阿台益糾虜  
大舉一從靜遠堡一從上榆林堡各深入縱掠撫順

邊渾河口徐引去李成梁因與兵備使靖四方會議  
直搗古勒寨用火攻衝堅經兩晝夜射阿台死而別  
將得倚等已前破阿海寨捷告錄督臣周詠撫臣李  
松及成梁功果子孫自是靡遺種東夷震懾遯去一  
蠹賊云時逞加奴仰加奴與白虎赤益偕西虜煖兔  
忱惚太等騎可餘喇猛骨李羅并虎兒罕子及商  
日尋于闐總督周詠因念反商弱猛骨李羅嗣立衆  
未附請加勅使彈壓報可是歲十二月逞加奴仰  
加奴乘冰堅復糾虜攻猛骨李羅大掠把吉諸塞巡

李松再宣諭之二奴驕益狹請貢勅松乃密與  
總兵李成梁計伏兵中固城去開原四十里都御史  
坐南樓上先期命叅將宿振武李寧等夾四隅伏因  
遣備禦霍九臯往諭約軍中曰如虜入圍聽撫則張  
幟爲號案甲勿起不者聞砲卽鼓行前如令亡何二  
奴擁精騎三千餘劄鎮北關請賞以三百騎前詣關  
門頗橫恣目白虎赤劒斫霍九臯中臂九臯反擊一  
虜墮馬餘虜攢殺我兵十餘于是軍中砲聲如雷伏  
盡起遂前斬逞加奴仰加奴及白虎赤逞加奴子兀

李羅仰加奴子哈麻盡殲焉成梁兵聞砲繼至協  
攻獲級千餘捷開告廟賜爵有差自是海西  
番服台子孫息肩可數年而逞加奴遺孽卜寨仰加  
奴遺孽那禁李羅日夜圖報父讐連西虜以見鄧侵  
掠部夷及反商數入威遠靖安堡而那林索羅尤狂  
計挾索貢勅如二奴時蓋海西屬夷乃開原藩蔽  
仰逞二奴乃海西讐敵二奴侵凌海西其勢日強至  
十五年丁亥巡撫顧養謙恐他日爲開原之患故力  
注勦具題請旨已令相機行事矣而兵備王緘以

屬官異同其間議論先後不一故養謙疏請宜降詔  
以示警戒而天威嚴重下旨逮問科臣彭國光爲  
王緘不平卒以失事推委養謙上欲置干理閣臣  
持不可是年那林孛羅引西虜恍惚大等萬騎急攻  
把大寨我兵往援圍解而是時王台孽子康古陸向  
奔逞加奴者乘虎兒罕歿分海西業與猛骨孛羅反  
商鼎立至是以讐虎兒罕故甘心反商爲北關內應  
因約反商叛夷阿台卜花反攻反商而猛骨孛羅亦  
助康古陸竟爲北關誘脅從那酋夾攻反商因日焚



其巢往十八塞十六年大將軍李成梁決策進剿卜

寨棄其師入那林李羅壁成梁因縱兵直擣城下矢

石兩激多殺傷發大砲擊中堅城盡裂二酋奪氣倒

戈降成梁釋不誅班師還開原養謙謂反商弱多疑

卽賦諸酋立之不能有衆不如釋康古陸使和反商

諸酋見康酋釋不復疑○反○入○畏○我○因○重○反○商○反○商○以○

諸○酋○立○而○王○台○子○孫○皆○全○矣○康○酋○再○死○再○生○德○莫○厚○

焉○刑○莫○威○焉○且○反○商○許○建○州○奴○兒○哈○赤○婚○內○倚○中○國○

而○外○以○姻○重○寢○北○闔○謀○此○實○東○陞○長○策○遂○釋○康○古○陸○

令反商以叔事之刑牲盟久之反商死撫其裔盡厚而猛骨索羅修貢唯謹然南關勢孤且益弱又日與北關相構怨奴兒哈赤漸從此收漁人之利矣奴兒哈赤者佟姓故建州枝部也其祖叫場父塔失並從征阿台爲鄉導死于兵火奴幼隸大將李成梁幕下成長乃颺去自雄東方漸北稍蠶食張海色失諸酋海受創奔就南關鄧督反商時北關遺孽卜塞那林孛羅方連西虜以攻反商惡奴以反商匿其仇亦并連卜圖之朝議論反商歸漢約婚于奴各罷兵奴

時時于撫順諸堡送所掠人口自結又斬木札河叛  
夷克五十以獻且述禮笑有殉國忠請得陞職長東  
夷遂授以都督秩與南關等是時萬曆十七年也  
奴兒哈赤既竊名號夸耀東夷則勢愈強後三年竟  
殲反南旋以保塞功加龍虎將軍自是勢益盛潛有  
并海西意而北關那朴李羅與南關猛李羅方醮于  
關南關不絕如綫奴酋益旁啗朝鮮及黑龍江諸夷  
三十三年乙巳奴酋勢益張漸逼莫寬李成梁請徙  
寬莫新疆居民入內地棄新疆爲甌脫已而奴酋強

勒清河沿邊參直復爭入貢車價語狂悖邊吏始倉  
皇請兵設防而科臣劾成梁棄地啗虜罪三十八年  
已酉奴酋以萬騎修築南關故塞又勒騎住撫順關  
脅賞尋勾西虜宰塞煖兔等窺開原邊吏告急朝  
議急撫北關收宰寨以折其謀明年殺其弟速兒哈  
赤并其兵復侵兀喇諸酋又圖其婿江夷卜吉台吉  
台急投北關金台二酋匿之奴修怨仇殺益壑南關  
曠土糾西虜馳突清河間詔徵薊兵赴援并禁糴  
奴卽詭奉款且計縻我兵北關乃可圖則益懇願不

背漢耕牧無敢淫干異日請質子爲信并訟北關匿  
婿狀朝廷信之未幾度我弛備卽圍燒金白十九  
寒我師援不至總督薛三才疏爲徃失策棄南關已  
過可令北關再折入奴乎東方憂滋大矣因發兵援  
之且請募兵屯開原以待其變御史崔鳳翀言奴意  
不在婿與女特假負匿兩端爲北關罪似不必以  
天朝作外夷提合強北關以必徙宜急救北關而別  
遣將駐清河撫順逼奴巢以壯聲援報可奴于是撤  
兵復欵慙無他意而每發兵以圍獵爲名不知所向

當事者信其質子終快視之李成梁死無驕靡者成  
梁子李如松戰死朝鮮李如柏罪廢李如楨雖提督  
西司房然門祚衰于成梁時所任遼大將多西人不  
能得東邊要領哈赤受市賞于撫順關佯搖尾不敢  
有他遼人士視益輕易宴賚皆惡草具負貂參之進  
無算卽所養卒亦習以氣凌奴矣聞其時且有徵其  
妾入侍官中者人參產東北夷故事開原清河有兩  
市奴強從間道梗開原路盡要入清河北關生計漸  
落于是開原之牙儉共北關日爲蜚語譖奴北關許

奴爲媳之老女渝盟改嫁煖兔奴來訟開原道復左  
祖北關不爲判奴脚恨次骨後所云七宗惱恨者此  
其一也邊將吏不爲之請解時時大言奴必反又不  
爲備而奴益練習其部暗合兵法然貢市如故特稍  
稍愆期貢夷爭車價爲口實耳未敢明白反狀屬李  
氏世爲將居約久思借事令死灰復燃官府省臺間  
多熟路凡西將鎮遼者十不一全張承胤西將賢者  
會推鎮遼苦辭謝不赴李氏兄弟陰謀日但勾奴一  
動于撫順張將軍必無幸惟其兄弟可急使旗鼓一

建奴固我家所耶翼而封殖者易與也孰知其如潢  
川之不可堤障耶明年戊午奴果反降撫順僻禦李  
永芳而殺張將軍承胤朝議溢湧特起宿將李如  
栢杜松劉綎柴國柱等提遼而命楊鎬往經畧之固  
俱李氏積素累舊者而帑十萬金佐軍興詔斬奴  
酋首子千金世其職奴復歸漢人張儒紳等行間賁  
文請和以怠我師已又剋撫安三岔白家衝三堡經  
畧鎬兼程受事抵關請徵各鎮兵爲援時偵報奴合  
宰炭聚十萬北關備立朝鮮已與之姻結且督匠造



船烏龍江而李永芳亦降爲之使已圍清河守將鄒  
備戰歿賊殺掠萬計自三岔至孤山並連焚燬毀寬  
之衆望風奔遁經畧斬千總以殉稍止久之又從撫  
順入會安堡殺掠千餘明年己未春援遼師徵調雲  
集廷議以經畧報奏久稽恐師老財匱閣臣方從  
哲票旨馬上催戰二月遂決策誓師分兵四道馬林  
帥兵從靖安堡趨開鐵督北關之衆攻其北杜松帥  
兵從撫順趨瀋陽攻其西李如柏帥兵從鴉鵲關趨  
清河攻其南劉綎帥兵京馬仙趨寬奠督朝鮮之衆

攻其東計勝兵可十萬約期出師無奈主帥不一師期先洩至期杜松抵渾河則棄車營趨利半渡賊率兵萬餘忽遮擊衝我師爲二松血戰力竭師遂殲馬林方抵二道關遇賊乘勝來攻亦敗績劉綎獨縱兵深入連剋十餘寨越四日賊詭漢卒裝誘墮重圍夾攻衆大潰綎歿于陣惟清河一路李如栢以經畧令箭撤回獲全師報至舉朝氣索遼勢益以不振詔以李如栢代如栢經畧鎬戴罪蒞事當是時宰煖諸莫並比于奴御史陳王庭請諭朝鮮屯兵沿江塞

奴窺寬奠鎮江之路并勅北關連屯開原俟奴犯  
開鐵卽襲其老塞無爲所給頂之奴帥部夷于撫順  
關外築城修塞并添清河路柵壕已又深入撫順更  
以偏師躡鐵嶺撫安等堡而新帥李如楨方與經畧  
總督爭亢熊廷弼以新推膏後命蓋自敗書初關中  
外兼皇臣月爾後旋就怠弛上亦稍復寢格矣奴  
遂僭號後金建元天命黃衣稱朕指中國爲南朝顯  
抗衡爲敵國云未幾擁騎數萬從靖安堡入乘虛直  
薄開原又圍鎮西堡潘鐵奔潰上特簡熊廷弼受

經畧代鎬任。遣兵部官招兵陝浙河南山東諸省。  
差御史張銓按遼而逮治楊鎬以李懷信代李如禎。  
時奴計搗遼陽盡戮朝鮮降卒以防內變又遣部夷  
佯綴我師而擁衆數萬騎直抵金台失塞及白羊骨  
塞北關相繼淪覆廷弼至以瀋陽城空難守決策守  
遼陽挑壕築垣借水爲防熊先是按遼風裁赫然至  
則旌旂壁壘一一改觀爲壇祭杜劉諸將凡縮胸者  
皆劒斬之獨鐵嶺守將王文鼎燕趙名豪也其親知  
多貴重有氣力新受事未半日而鐵嶺陷熊亦反接

之生蘇下監司諸將長跪請命終無所聽竟論斬堅  
壁屬士巡撫周永春請添兵守鎮江護朝鮮貢道佐  
聲援十二月雷震廣寧謀稱奴方遣奸細謀焚海州  
糧草約日截運餉會大雪士多饑凍廷弼檄總兵柴  
國柱等屯虎皮驛各路聯絡以扼賊衝明年奴輕騎  
出沒潛犯海蓋悉撤東邊縮新塞十餘里另起一城  
而反老塞諸夷于新塞合力拒守矣 廟堂之上妄  
意爲閒暇憐文鼎者修怨于熊據拾其它事彈文歷  
歷熊辨之強而語多不恭久之罷聽勘以袁應泰代

明年爲天啓元年經畧袁應泰至袁清幹非大將才奴以數萬騎圍奉集監軍道高出奮兵赴援至虎皮驛奴遊騎見塵起遂引去攻畧數日殺虜頗衆僅以城免時總兵賀世賢尤世功擁衆弗救蓋三路敗○奴○以○來○中○外○爭○以○疎○率○相○戒○不○敢○藐○視○奴○而○輕○言○戰○切○切○惟○守○是○圖○寇○入○門○庭○縱○之○飽○欲○而○去○不○爲○截○殺○奴○于○是○舍○老○塞○而○結○新○塞○近○槃○踞○撫○順○深○入○瀋○奉○肆○然○無○忌○良○繇○我○之○指○揮○者○習○蒙○蔽○爲○故○智○以○掩○飾○爲○長○謀○烽○燧○不○明○偵○探○常○爽○其○且○張○鋪○滿○紙○掩○罪○爲○功○

任其大入大利小入小利而曾不能一剗也所從來  
矣三月奴載鈎梯傾國士馬渡渾河深入攻瀋陽圍  
守肅時不克下後從東北面累土填塹登城吶喊城  
內應之開門而入城遂陷守將賀世賢尤世功從西  
門出逃總兵朱萬良等扎營渾河南以自固不敢前  
已經巡合議撤川浙土兵保守遼城而遣朱萬良姜  
弼將兵屯虎皮驛以爲奉集聲援報聞 詔廷臣  
議防禦長策御史江秉謙復議起熊廷弼經遼而奴  
已長驅進逼遼城矣經畧袁應泰督總兵侯世祿等

秉成朱萬良等拒敵應泰親出城督戰。按臣張銓  
守兩軍相當互有勝負。次日相持。又次日奴眾排炮  
車過河結營東山。我軍陣于東城外相對發放火器。  
我軍不支。奴遂以步兵攻小西門。應泰急退入城。與  
銓東西分疆。嬰守監軍牛繼曜從小南門突圍被傷。  
而走。有馬達賊萃東門夾攻。至酉時小西門起火。奴  
兵先登。遂有內應開門以延之者。城內大亂。應泰知  
勢急登樓。引刀自裁。銓被執。罵賊不屈死之。總兵賀  
世賢降至曉。奴酋始入城安撫。令二叛將收集西兵。



許以月餉三兩人皆剃頭隨順是時諸將統兵在外者見城中火起知城陷遂潰或西奔三岔或南至海上而奴兵且四出擄掠已而奴下令括民衣又于東教場聚貨物分結西處次日驅漢人赴北城屯民歸村堡百姓乘亂奔逸結隊南行者數百人奴復遣將南至海州傳諭歸順而人民已先剃頭待之矣獨東山礦徒與南衛堅不受命有剃頭至者則擊殺之于是朝議布置三岔河守山海關四月修山海城原監軍高出且倡爲棄河西以啗西處之說爲奴虜相

構我始得以固守山海旋爲言者所勸卒就遼治監  
軍王化貞復請調天津水兵赴三岔河口登州水兵  
赴旅順海口聯海上犄角朝鮮壯南衛之勢以慰其  
心厚給杪花爲求藩垣以圖恢復計疏入 命如議  
給應又 命議各鎮調兵限期毋致稽悞 遣御史

方震孺卹資遼東復起熊廷弼兵部尚書經畧遼東

奴復聲言進犯廣寧廷弼抵京 上命賜尚方劒與

便宜行事廷弼請陳京營選鋒報可久之王化貞遣  
練兵遊擊毛文龍領兵二百餘人赴河東招降叛逆

准以便宜行事文龍舟泊連雲島上蓋州致書蓋金復僞將楊于渭等勸其歸順以次進廣鹿給店石城長山色利海洋王家諸島獲其島官而安撫其民時有遼左衛庠王一寧者因城陷奔朝鮮求援朝鮮義之送歸國遇于石城文龍拉之襄事又招撫雙山等處屯民括其間頭角稍異者給與憲札銀牌以鼓之民皆踴躍稱快日扶老携幼聞風而至已又至朝鮮彌中堡令鎮江避難人民潛誘鎮江士民咸共響應次日于總徐景栢潛度送款且云僞將饒養貞出兵

抄殺城空可襲文龍于是進兵攻鎮江長驅登城賊  
衆潰佟養貞迎敵被擊仆地就擒斬獲無算文龍入  
城安撫百姓爭持羊酒犒師寬緩一帶城堡相繼歸  
附捷至稍爲吐氣然兵勢寡弱孤注海島援不可緩  
矣旋 旨諭登津速發水兵從海道前進策應王化  
貞調度廣寧兵馬相機征勦熊廷弼嚴勒兵將控扼  
山海三方協力務收全勝而遣郎中梁之垣宣 諭  
朝鮮分兵犄角而給發糧餉陞賞毛文龍等官有差  
卽命之駐兵鎮江聯合南衛東山乘機進討已廷弼

奏兵馬孱弱不堪臨陣宜汰還另補并祈勅當事  
苟且塞責之罪奴襲金州時南衛屯民俱結聚鐵山  
上奴衆仰攻被傷三四千人奴衆不能軍反報酋子  
三人率兵八千走蓋州持一月糧圍鐵山鎮江復  
陷化貞催請益甲車輛及借援兵馬久之化貞以西  
虜效順南衛東山之民鼓勇至于進戰而延弼持三  
方布置之說至于固守卽鎮江之捷撫臣以爲功經  
臣以爲罪意稍紓上以經撫議論不合着令會議  
可否是時奴在遼陽未動王廷撫在廣寧收拾餘燼

款西虜益樹黨條奏似亦有次第人情壓熊之伎懞  
大半袒王而熊猶戀經畧節不舍持兩端則與朝  
議定巡撫居外當虜經畧居關往來控制如是者垂  
一年無事詎壬戌春奴渡河圍諸堡堅瑕相半攻守  
幾積月實無意至廣寧已又進攻西平堡未下將歛  
兵回營化貞遣總兵孫得功爲前鋒劉渠帥之以攝  
奴方欲交陣得功分其兵爲二翼遶渠迎敵比接亦  
得功遂帥衆奔渠兵見後帥奔亦相遶潰渠被傷死  
得功舉兵降遁兵潰歸廣寧城內人民驚亂不順虜

者奪門而逃順虜者封府庫火藥至有設龍亭欲綁  
化貞迎賊者將領江朝棟入告急化貞遂倉皇棄城  
奔閭陽驛城遂空熊以九千人駐凌河距廣寧百餘  
里見化貞跳詢其故曰廣寧人欲縛我贊奴今空城  
盡跳矣熊懼大凌人亦將贊彼揮化貞曰公前行我  
爲公殿隨燒絕一路屯堡跳至關越三日奴偵知廣  
寧城空始以輕騎追襲見驛路燒殘無糗糒井竈可  
資乃徐徐東去于是燕趙諸公起刺熊若曰今而後  
得友之也經撫並檻車徵置獄以太倉王在晉爲經

畧野闕東莞人袁崇煥以邵武令從計吏入京請纓  
得僉事備兵寧遠奴踞遼瀋曠河西不臣爲隄脫廣  
寧城衝盡荆棘五百里烟斷在晉疏曰東事離彼一  
壞于清撫再壞于開鐵三壞于遼瀋四壞于廣寧初  
壞爲危局再壞爲敗局三壞爲殘局至于四壞捐棄  
全遼則無局之可布矣逐步退縮至于山海此後再  
無一步可退矣故今之經畧比前事勢更難而今之  
任經畧者比前之責任更重惟與議者洗心滌慮毋  
互相舛戾得以一意展布爲便且以祖稷山河之



重而根基命脉寄于一九泥隄防稍疎安危立判左  
山右海人以爲天關地軸而不知實無足恃何也關  
以外付之祝融燒殘之餘燼徒存關以內惕于風鶴  
奔北之驚冤未定鉞戈敵甲委頓成丘廢堞頽垣凋  
零度歲將恃兵力乎恃人心乎恃地險乎所恃者  
宗社無疆之福耳夫自古內嚴而外自治內安則外  
不危則今日莫急于憂內乎而內患宜防也內奸宜  
誅也內僭宜飭也內衛宜嚴也內供宜節也內應宜  
急也此五者皆所不可不加意者也巳逮熊延弼正

化貞下 詔獄授毛文龍總兵登州判土一寧贊軍  
務秋文龍遣部將陳忠等斬獲櫻桃堀湯站等處賊  
級馬械有差尋上疏曰三万布置之謀以廣寧爲正  
登津爲奇。今則山海宜守。登津宜戰。若就登津較量  
則津兵富以應援。山海而登萊接聯。旅順密邇朝鮮  
但令各島聯絡其中。或招或勦。或進或退。或合或散  
出沒海上。神島間之奇謀。用登鮮之聯合。固非特牽  
制奇着實爲恢復要着。然自各島布置始。宜以陳大  
韶從三山島入守旅順。則登津朝鮮之水路通。王學

易從廣鹿島入守金州則彼此牽制有率然之勢宋  
鵬舉從長山島入守復州則斷奴酋之左臂劉可伸  
從石城島入守海州林茂春從小松島入守蓋州程  
攸從麗島入守岫岩張忠尤景和各率所部乘除于  
鮮鎮寬叟間并相機直入奴塞且分且合以疲其力  
且進且退且戰且守以挫其鋒譬彭越肆楚之法孫  
子懼吳之術虜之逸者勞合者分而後臣督率衆官  
各兵憑山扼險直逼遼城山海關更出銳師以蹙之  
如山海扼其脛三岔截其腰臣等于東南拊其背而

躡其尾。奴可立滅也。未幾奴酋進攻廣寧。抵十三站等處。戮遼民之不順者。又執少壯奪其妻子。遼民多結聚錄州城南。已還兵。奴自住新塞。李永芳住遼陽。而四發兵防守。一枝守鎮江防朝鮮。一枝守南衛防登萊。一枝守廣寧防西虜。又遣永芳渡河至廣寧。差遣人齎多金進邊。偵探關上兵馬。時款夷爲哈喇博。大罕酋孛羅贊伯彥黃台吉及朵顏三衛諸夷來奔。二大部暨三十六家。而中有察喇明暗。甌兒計台吉。及王燒并。不受賞。尋諸夷亦勒之受款。有反青者。最

貪橫奴賁金購之與欲之婚媛太之侄爲反青婿經  
臣王在晉令人間之而虜之近廣寧者爲墩虎兎虜  
中之王稱愁者昏酒色無遠志其叔腦毛太專權得  
衆又老而不能自強故奴不購愁而購反青愁貪二  
十萬之賞具金繒綈皆取給于我必不與我絕其  
弟虎愁往往與奴陽離陰合以嘗我又哈喇慎部  
白言黃台吉韓不世台吉恨奴滅遼共誓復廣寧以  
洩忿且欲糾召卜火諸大酋合攻大寨西虜以愁爲  
主愁之順逆西虜所視爲向背亦東所視爲重輕故

講賞惟慙之費鉅而貴英怡者虎酋之倖臣也所部  
曰朗素其人則桀驁其言則滑稽其舉動則貴重而  
不與諸名王狎至是奉慙令來索去年秋并本年春  
秋諸賞經畧王在晉使通官告之曰廣寧爲受賞之  
地廣寧失何以賞爲去年費巨萬金而虜部未聞大  
至以致廣寧陷沒慙實悞我何以賞爲我兵當闕數  
十萬尚欲殺奴何有西虜不款則戰耳何以賞爲如  
此者徃復論折虜不能難通使委曲調劑僅與本年  
秋賞以羈縻之虜始就盟至期令道臣問鳴泰表崇

煥等出關、俾令鑽刀、軟血、定盟、願助兵、滅奴、若奴兵  
至而慙、不援、則賞、革、若通、奴之、賂、背盟、陰合、則罰、皆  
指天爲誓、而款事報成、此外、則有鎮安、卽宰賽也、及  
紗花、皆願受款、蓋紗花、切近于奴、奴動紗花、必先知  
之、奴地距虜三百里、若不結虜、必不敢深入、而虜乘  
其後、不得志于我、不能歸、故西虜旣款、我無以挑之  
必不動、奸細無以中之、必不動、故款虜爲常、日急着  
第其間、亦有可虞者、虜素狡詐、今用遼人、遼人益爲  
唆、朶顏諸部、亦漸生需索、昭明信于犬羊、責寒盟于

羶狗難爲久要、不忘之事、哈喇慎白顏台吉、原非薊  
鎮之虜、乃罕索羅部、窺我之弱、徃徃借助兵之名、率  
衆索賞而臨邊、止數百騎、烏足勦奴、且助不可常賞、  
遂爲例索而不與、究必啓釁、又先是五路頭目妻子  
爲貴英哈所占、頭目憤投粉花、粉花不能養、又投奴  
酋、奴用之以守廣寧、而以真夷雜處其中、已而聞我  
圖恢復、遂悉遷五路投降之虜于海蓋間、而用真夷  
渡河以居、守萬一用投降之虜混我、以爲款虜、則禍  
患興于肘腋之地、凡此孰非可虞者、要之權以款爲



羈縻使雖不爲我用。亦不致爲奴用耳。至于自強之策。要以戰守爲本。久之王在晉。召還大學士孫承宗。以經畧遽難得人。願出關城董兵務。制可。而以張鳳翼爲登萊巡撫。三年癸亥。永寧大捷。復州僞總兵劉愛塔謀內應。不果。麻羊島守備張盤收復金州。時奴設立瞭臺甚密。以柳爲號。比傳烽尤速。毛文龍旣素知蒲蒲等處遠近險易。已聞奴有西寇之期。遂指授諸將。將分兵五路。文龍親爲策援計。我設疑。彼必傳柳將飲兵。內顧遂設空營三。以疑之。復令杜貴

相機直冲憇水店。于是奴兵自相蹂踐。全軍潰退。文  
龍以捷聞。久之鳳翼䟽曰。他無所不守。則兵無所  
不分。奴全隊衝鋒。而我以偏師拒敵。卽極精銳。猶  
虞多寡之數難當。而乃器械不充。強半是執挺持竿  
之衆。盔甲不備。大都皆赤身露頂之人。且馬匹以水  
草之非宜。而莫由問富糧餉。以內地之告竭。而屢見  
脫巾。最可慮者。城被燒殘。在在盡頽垣敗壁。人當挫  
衄。時時驚鶴唳風聲。雖輔臣極力綢繆。苦心率勵。然  
八城畚鍤。非一年可就。工六載。瘡痍非一時可甦之。

病倘天不悔禍，奴復窺關。四顧旁皇，誰爲衛霍？故今議勦，不能言戰，不得計，惟有堅守。庶幾安將，膽而固軍心。然守又非以五大部，僅僅乘障，于十六里邊城也。假令奴避寶繫虛，從寧遠走界嶺、桃林，又或因利乘便，從前屯犯一片石，浸假而造作浮車，用紅夷從海而來，我何以應之？兵法曰：善攻者，敵不知其所守；善守者，敵不知其所攻。又曰：以一擊十，莫善于阨；以十擊百，莫善于險。以千擊萬，莫善于阻。繹此而關門之守，思過半矣。故守關之策有三：其一以山海爲家。

當以前屯爲門戶以寧遠爲哨探以一片石芝蔴灣  
爲左右翼共置兵二萬分屯駐練且耕且守奴不來  
則用趙克國困罕開法奴來則用李武安守雁門法  
養威蓄銳俟我生聚多訓練熟然後興問罪之師此  
正着也其一以前屯爲家當以寧遠爲門戶以廣寧  
爲哨探以興水城覺華島爲左右翼屯兵二萬張疑  
設伏漸進漸逼諸虜可使則如督臣誘哈喇紇與之  
仇殺以伐其交叛將可通則如輔臣間劉愛塔與之  
疑二以潰其腹乘機觀變俟彼費爾設隙可抵突然

爲批吭之舉此奇著也其一以毛文龍爲前茅以沈  
有容爲中權以查國芳爲後勁使舳艫相望風訊時  
通又善結虎酋假金白復仇之舉聲言水攻老塞陸  
取新城奴必狠顧狐疑不敢出遼陽一步而榆關將  
假以粗安此虛着也夫正以待其來是堅壁清野之  
法奇以俟其變是處女脫兔之法虛以亂其謀是多  
方以議之法總爲守關計耳而關門及水兵非六萬  
不足以壯虎豹在山之勢扼鯨鯢橫海之氣不然我  
之所防在此又之所攻在彼彼瑕旣動此堅亦搖關

以西尚得安枕乎。今闕外業已分派兵馬。宜簡才智  
沉雄之將。出而料之。庶信地分明。人無推委。城也修  
守。士可憑依。當必有蚤夜圖維。出死力而悍嚴彊者。  
何至安厝火坐燕堂。以奴之不來爲幸哉。未幾文龍  
又偵知涼馬佃爲奴牧所。于是領兵萬餘分路夾攻。  
克之時。奴情蠢動。文龍調兵三萬。累二十日糧兼程  
而進。至牛馬島。分爲三隊。奮力追殺。斬獲夥級器械  
甚衆。冬。西虜哈喇慎郎素犯邊。叅將王楹死之。輔臣  
孫承宗令督臣安撫哈喇慎。及奈台吉等毋相鼓煽。

頃毛文龍又奏烏鷄關捷并促發餉百萬以爲覆巢  
之舉巡視西城御史崔奇觀擒獲奸細韓宗功伏誅  
四年文龍擒賊將金重德又敗奴衆于高嶺沙松牌  
獻俘奏捷久之奴酋旋率萬騎攻旅順堡都司張盤  
大創之後文龍帥兵至把骨寨骨皮喀分水嶺三戰  
皆捷自是收復金復等處由金州至永寧堡蓋州以  
及清河寬叢陽湯站鳳凰城并鎮山一帶幾千餘里  
秋獻俘并懇恤戰傷及旌擢有功將領以示激勸時  
樞輔孫承宗出關已疏敘前屯趙率教寧遠將滿桂

等爲能安撫難民、開屯荒地、馴服欵虜、簡棟丁壯、資  
國費而得人心、俱宜加擢總兵、以風勞臣、旋以交龍  
海上屢建奇捷、陞秩賞賚、仍命相機進取、以奏成功、  
自南四衛爲戰場、惟金州東聯海蓋、南近登萊、爲彼  
此必爭之地、遊擊張盤以孤軍雄據其地、而兵力單  
弱、旋爲奴兵所攻、退保旅順、欲圖恢復、而孤軍難恃、  
登撫武之望、議城南至旅順一百三十里、三面距海、  
惟北面狹束、東西相距僅十里、諸挑斷此地、引海水、  
以自固、設墩臺以防守、則百三十里墜沃壤可屯可耕、



卽可團聚遼民數萬人而金州以南旅順以北遂成  
不拔之基已部議允行戶部議裁登餉十萬應之諫  
鎮以挑濬之費未充尚未舉行而張盤驅旅順朱國  
昌駐長行島曾有功駐三山島自若也無何補功擅  
約盤國昌率兵破土興功及國昌盤至有功爽約不  
赴旋遇虜騎猝至重圍我師盤力戰被執國昌罵賊  
陣亡奴兵復攻旅順城破屠戮一空有功聞變潛匿  
不救報聞部議旅順口直對登州爲我師東渡之  
門戶宜如前議濬河爲固不容再計而前以戶部議

我登餉事遂寢閣夫計數萬金之費棄一百三十里之險是所省者小而所失者大宜給足其資以勦成之便自是島帥文龍撤回旅順殘兵與登撫議不協命兵部酌議平之是年秋有降虜學庠劉伯强者歸正因用之爲遊擊誑稱四王子在錦州兵不滿三百我師過河遼民卽殺王子殲其衆以歸總兵馬世龍信之遂調叅將李承先魯之甲統兵直抵柳河口渡河攻趙州比兵至奴已傳烽燧伏兵四起我兵不敵棄甲奔逃奴躡至河上承先等扎營未定賊兵突至

承先之甲拒戰被創而死樞輔疏聞詔督撫道

將嚴加防守冬十月以兵部尚書高第爲經畧

尚方劍以行旋以之望與文龍恡改之望南兵左侍

六年丙寅正月奴酋率兵過杜家屯至葉英國札營

已進大凌河至松山經畧高第疏請調兵赴援上

曰何平日索餉則有兵一旦臨敵則無兵乎下廷

議兵科羅尚忠謂今日之兵不可調又不可不調何

也兵勢旣微則無以實內地然求調不應又無以壯

軍謂樞臣直隸內也之緩急多寡酌量應調急

地不可調。緩者較可調也。兵少不可調。多者較可調也。經臣亦宜權闕外之緩急。多寡。增置訓兵。少處宜增調。較多者可無調也。急地宜增調。較緩者可無調也。關門與寧遠孰急。見在之兵孰多。守關門城爲要。着守寧遠以守關門。乃爲穩着。則守關尤爲先着。如第就關門論。止應及時修築。逐日簡練兵至數萬。亦不爲少。如寧遠險隘萬分。可恃。袁崇煥肝膽筋骨。又堪倚仗。便當藉之爲干城。不可以之爲孤注。經臣旣在關內。鎮臣楊麒。便當練兵出關。與崇煥併力堅。

壁願經臣之斷而畫之亦願樞臣之審其成畫以爲  
應調而毋泛泛應之也總之關以外遠一步則有一  
重之保障近則偏而危矣關以內近一步卽有一處  
之應援遠則邇不相及矣伏望 勅諭順天撫臣卽  
督各道練兵繕器以待不時之需已下 廷議酌援  
寧遠之策尚忠又疏曰救援寧遠一着關係呼吸卽  
乞 聖明定斷未遑竢衆論而集之也蓋關門以外  
一片石喜峯口等處尚多瑕隙獨寧遠爲扼要舉朝  
亦明知寧遠之當救乃有謂我兵一出必且舍寧遠

而屠援兵不如姑且聽之惡是何言也夫所貴乎兵  
將者爲君父不愛死也若惴惴焉虞冒矢石而潛伏  
城內是匿以兵守城乃以城蔽兵也以躲爲守猶之  
以逃爲戰是何言也然則能逆救兵之必勝乎則又  
難言之矣關門剝削已久各兵艱苦備嘗甚至無甲  
又甚至無衣多有質弓矢以舉火者驅饑寒氣綏之  
衆而逆其無失職則何能第斃于饑寒與斃于戰間  
等斃也失兵于寧遠無事之前與失兵于遠寧有事  
之後等失也萬一有救而無失則其功德又不可量

矣今宜嚴諭樞臣速簡兵力之驍勇者多發以厚其勢與前屯趙將之兵併力東向特其進兵之際未可踈鹵定用酌量或故出疑兵或潛用間諜卽不然止拚此數百餘兵用金鼓砲火列熾燃芻以亂其耳目而貳其心志卽不却步能無却意耶廼若哨探已斷亦豈無法寧遠之探所以不至關門者恐城開則奸進匪僅惜一生命也寧遠不可來關門獨不可往乎卽擲一人以往偵得消息亦可乘機應變倘經臣善用軍法則畏敵不勝畏法哨役援兵一時並有其人

矣尚方之劍豈徒爲經臣虛張聲勢已耶得 旨山  
海藩籬全恃寧遠關外堡障全賴袁崇煥豈得視爲  
孤注令其坐困該部卽談傳與經畧鎮臣作速發兵  
救援倘有疎失并以守備不設論已而奴酋進攻寧  
遠先擊西南城我軍出大砲打死無算尋復攻南城  
推板車遮蓋用斧鑿城數處崇煥令細柴燒油并攪  
火藥用錢繩係下灼之賊兵斃退又選健丁五十名  
隊城而下以棉花傳火藥焚奴戰車殆盡奴却營五  
里已又燬遺糧鑿岸冰以困之不越日復斃于大砲



奴力屈拔營奔遁當是時虜氛孔亟而當事意氣方  
新將率用命却禦有方故能成功是時島帥文龍亦  
督兵添入奴地令易承惠等進攻威寧營林茂春等  
進襲海州皆有斬獲奴聞以故斂兵而返二月經畧  
高第奏報虜情命陞袁崇煥僉都御史將領滿桂  
趙率教實授總兵軍士犒賞有差且命援兵旣集  
當逐虜過河各路口宜嚴加防禦已高第以病辭免  
從之而命崇煥巡撫遼東時科臣黃承昊欲散遣  
遼人出關崇煥欲籍遼人以復遼兵部議遣壯丁堪

爲兵者赴寧遠立營操演其有家屬相隨者安插以資其屯耕久而南兵漸可汰回所省餉費不少便已而毛文龍來報五年十月八會寨之捷升臣薛國觀言今歲春初奴犯寧遠雖經挫折然攻圍屠掠逍遙內地者廿餘日而文龍且上言去歲十月間事其于入犯樂平未聞猶且待日偵探最直問風撲殺者耶何以率制爲哉因命獻俘非真正渠魁自後不得輕瀆文龍當圖成功毋事虛騰塞責已崇煥請以總兵趙率教駐前屯滿桂駐寧遠分屯而守更迭爲援

夏五月虜報甚急督帥王之臣請發兵馬器械糧餉一切軍需以爲防禦實着文龍又馳報會安堡之捷崇煥尋與滿桂不協徑奏列兩鎮參差命調桂別用以左輔代自是與督臣微有不平互相爭辨特勅令趙率教移鎮寧遠并速選將駐守前屯六月奴酋侵并西虜部落抄花并其子反安兒逃逸虎兕諸酋會兵欲圖報復文龍乘其東侵進攻敗之于大石門嶺七道河擒獲解俘獻捷七月崇煥議以滿桂鎮守山海駐關門兼管四路文龍疏辨牽制之功請無移

撤東汀兵馬以終其局。上命不必移鎮，着部給以所請器械糧餉及一應軍需焉。是年八月，奴酋死，諸子爭立。七年丁卯正月，奴酋來襲鍊山，文龍領兵拒禦。時麗人苦遼民擾害，暗爲奴前導。比至，奴兵易麗人衣服，截殺沿途。揆夜大王子因率八萬餘衆圍寺鍊山，欲生致文龍。文龍潛遣雲從擊傷都司毛有俊、劉文舉等兵民，逃竄。奴招撫之已。大王子直搗雲從，文龍復潛逸關口，持火器衛守。尋料奴兵必入皮島，而差內丁都司毛有見等領兵分路衝擊。奴兵果勞

若不備堅壁不動奴坐困多日不能前犯久之退回  
宣州下營怒爲麗人所紿徒傷失兵馬未獲文龍隨  
攻麗郭山義州安州等處肆其焚掠文龍因收兵走  
間道設伏以截其後奏聞命給餉接濟以壯軍  
聲而崇煥請發水兵爲東江之援制可奴兵東犯  
朝鮮君臣播遷命寧遠撫臣乘奴遠掠巢虛挑選  
精銳輕兵直搗以牽奴後而紓屬國之急崇煥因令  
總兵左輔趙率教朱梅等分三營進逼三岔河爲崔  
果之舉已而東江將士毛永顯高萬里等相率叛逃

華又報襲敗奴兵于义州、晏廷關口等處。是年西虜亦蠢動、宣府告警、旋入犯甘肅、撫臣督兵大破之。捷聞已又命關寧增定大帥、分派信地、聯絡聲勢。而杜文煥駐寧遠、尤世祿駐錦州、侯世祿駐前屯、左輔駐大凌河、滿桂仍駐關內。乃賜劍以重事權焉。崇煥復奏欲購杪花立援、命多方講析、相機宣諭、務令懷我威德、共作藩籬。五月、榆關傳警、奴兵渡河、有直闖山海之勢。下令防虜已而率兵十餘萬攻圍錦州、總督趙率效用炮火矢石擊却之。至七月、復大

舉入犯我兵遇于笊籬山酣戰殺傷頗衆奴鋒大挫  
尋進攻寧遠總兵滿桂等大戰敗走之射死酋子二  
人錦州圍解當是時奴四子雖名貴而其長子與諸  
子各有部曲勢不相下相忌生壘微有以情輸東江  
者又稍經大創伎倆頗盡時議者謂宜合寧錦之兵  
與東江之衆各分爲數隊遞發一軍以擾其東寧錦  
擾其西彼必呼集而應彼集則我散彼散則我伏果  
更番迭出使其一國之衆疲于奔命而我且由錦而  
義由義而廣寧漸進以逼之使鼠還故穴則有坐而

交薄耳。然是時魏忠賢爲政無畫一之議。崇煥亦坐口語歸。是年秋。今上握太阿運斗杓。前薊遼督撫率以媚璫罷。復起袁爲督師。召對平臺。袁以五年減奴自任。上甚股肱倚之。久之遣西僧喇麻弔老奴喪往還。皆如禮。奴酋亦遣我降丁遺袁土物致款。書用印稱國號。袁諭其去印與國號。奴並無所難。復遣來書奏上。不發抄語。不得聞。大司馬王公治謂侍郎熊公明遇曰。督師擬與奴款。恐是和之別名。熊詰王公曰。公何以答王公。曰。彼能東出撫順關。還我遼



○潘○則○款○與○和○亦○前○事○所○有○今○失○三○公○之○東○則○以○何○地○  
○爲○鴻○溝○乎○是○時○識○者○頗○訝○袁○敢○欺○謾○爾○爾○頓○悖○平○臺○  
○五○年○滅○奴○之○對○耶○適○東○江○有○賁○奏○官○至○部○熊○公○密○問○  
○其○曲○折○對○曰○奴○立○其○四○子○爲○可○汗○諸○子○各○有○部○落○不○  
○能○甚○和○行○法○亦○不○如○老○奴○信○必○魚○皮○達○子○業○已○散○如○  
○今○彼○中○真○達○子○獲○我○遼○陽○財○物○婦○女○各○成○家○計○知○享○  
○用○不○似○往○時○窮○苦○很○拚○命○疾○力○戢○亦○蓄○我○遼○人○爲○丁○  
○不○成○軍○鋒○毛○總○兵○新○得○劉○愛○塔○盡○悉○其○底○裏○東○江○倘○  
○得○馬○萬○騎○餉○百○萬○奴○不○難○平○也○于○是○崇○煥○屢○見○之○章○

疏而我人之奸闖者每教奴舍遼闡薊然于文龍不  
無反顧迺結親束不的爲西道王崇煥誤信束酋以  
爲款事成將不煩折矢以歸我河東地豈不大快而  
賺文龍爲異同已已乃僞遊島上佯言觀兵使壯士  
袖鐵椎椎文龍因劍斬其頭曰此跋扈將軍也文龍  
死奴諸子勢不得不合則因謀于束酋爲買積糗草  
卽于是年夏或遣數十騎或三五騎零星渡三汊河  
我偵者忽不知其所往至八九月間騎漸集朶顏三  
十六家獨束酋疆餘窮苦無賴奴結其疆者而食其

弱若腐肉之齒利劍無畱行也于時朝議方以清  
汰爲事薊撫王應豸奉行失實突以清餉五十萬

聞應豸以魏璫驟貴藉此結主知彈前失不虞三

屯營兵丁科等脫巾一烽臺爲亂也比事小定應豸

以檻車徵置獄用王元雅往代猶主清汰如故方減

額併伍各隘口或可尖哨盡失戚將軍初意奴酋遂

擁三十六家諸虜于十月二十七日從大安口入守

兵盡雉兔逃匿烽火不舉寂無知者本路將倅不能

敵卽削髮降賊三屯營雖設有總兵軍民先虜未至

已逃盡鎮帥朱國棟僅以身殉十一月初一日奴酋  
薄遵化山海總兵趙率教領副將二員馬兵五千來  
援札二營于城南五里龍山之陰奴連札十三營衆  
寡懸絕一戰而率教與其副皆陷沒初三日肉薄攻  
城用奸闌在南門大呼曰城已上北城矣城南之人  
轉瞬北顧則奴兵業有梯而先登者城旣陷元雅自  
殺有鮑承先者于天啓元年援遼爲奴所擒奴參  
之日久遂爲前鋒領精騎三千攻剋城堡皆彼爲導  
師遵化之陷彼請奴子入城收府庫約諸生謁奴如

上官禮奴子能華言妄意安民頗作誦調誣天語承  
先復詒諸生日秀才不讀書乃守城乎可往西門受  
賞其人與銀五錢乃生閉苑門遮研殆盡承先于遵  
紳馬思恭有雅故賈氏亦世宦也因緣降奴各受僞  
命守遵化反拒我師承先領騎四散攻掠馬蘭叅將  
李萬春與承先有雅故被詒降併受僞命守馬蘭遵  
素富饒奴所掠金銀幣帛悉以車馬駝騾重裝出口  
併女子年少者咸驅之去而順義豐閭玉田一帶皆  
望風奔潰所恃爲京師翰蔽惟薊州一兵道駭焉

荆卒視遵差減劉總督策既固密雲復自密雲往薊  
圖守禦時塘馬盡跳羽書斷絕樞部所使偵卒成畏  
虜不敢近據風聞還報遵隔三四日京師尚無的  
據至煩上親出帑金購死士密往探京營軍皆未  
經戰陣無武鑑精兵可急使先已有旨令督師人  
衛以信五年滅奴之志崇煥于是選騎率總兵祖大  
壽疾力進路逢劉總兵督于薊麾之去日這時零夷  
賊我自有法度處置不必以衆禦各阻四守信地及  
奴薄薊崇煥又差人持虎珀數珠銀碗與束酋求其

和好退兵且上慰安疏云奴特來送死耳不足憂時  
賊勢大祖帥各兵俱集薊崇煥觀望不出戰上屢

有旨責諸將嚴守薊毋令越薊西一步劉總督爲

崇煥阻仍還密雲護陵寢大同總兵滿貴宣府侯

世祿各遵檄至督師素不狎用滿帥彼此俱相忌各  
處援兵無紀律沿村搶掠害與虜同被害者聞援兵  
便以爲素兵云蜚語入宮府上以拒奴急不問也

第責大司馬洽偵探不早統兵機下法司以申左司  
馬用懋管部事時廷臣集議須一重臣鎮通州爲

京師犄角爲薊門聲援特起舊閣部孫公平宗于家亦慨然就道陛見上卽夜令遍閱內外城壕意畱掌中樞次日仍遣往通用初議也或曰閣中有爲其資前到閣任不便者比奴薄郊圻督師在薊不聞堵禦于先又不襲擊于後反從問道先抵都城人情駭異謠言洶洶咸謂督師特爲虜前導也朝紳亦半異之督師不覺以勞疲求入城少休上心益疑不之許也但遣官犒勞之前一日奴酋已逾三河迤通十里而陳通城先集撫鎮關漕各官兵將未有詣屬閣



部乍至不辨士馬孰精強倉卒未能遣出擊奴酋遂  
逾通直抵都下時十一月二十日也廷臣陳城守方  
畧章交公車至是懸簾櫺木火砲銃石布置森密

上猶慮在事諸臣莫肯實殫心力特遣中貴李鳳

翔提督京營位次總督居協理之左內外各門皆用

勲戚中貴與文臣協守中貴力持門禁堵寨不開卽

軍機文書亦令縋城出入嗣以徇情怠弛罷協理李

公邦華李在京營清覈虛冒過嚴軍人冒者銜次骨

謗議甚惜賴上聖明得無他以閩左司馬夢得代

之。上又夜私幸巡城上懸簾窄薄不稱明日遣工部四郎杖闕下並張大司空鳳翔下獄焉自是人心悚策晝夜罔敢懈京城守備甚設西洋大砲每一發聲如雷震奴亦逡巡不敢近然京軍悉用以城守僅擇選鋒八千令副將袁信施洪謨統之擬出城外札營爲護然亦以孤注未決出所仗者各邊兵督師所統祖帥一軍雖精然不滿萬騎滿帥侯帥兵各無紀次山西張鴻功兵抵良鄉聞賊至反肆掠跳去督師見奴勢張不敢動滿帥粗朴驍勇無大慮然敢戰

邀擊零騎微有斬獲然其騎亦殺且盡奴酋所忌仍  
在督師二十七日竟突督師營祖帥悉力堵拒火砲  
擊死甚衆且殲其一頭目督師以捷奏上特宣進  
而加慰勞有殊錫期以旦夕剿奴督師意俟援兵齊  
集一大創不輕發挫威且猶二心款議以要城下之  
盟虜數往鄉村掠食按兵如故京師內外官咸用  
前疑復騰謗且有殺了袁崇煥達子走一半之謠諸  
勲戚中積不平督師擅殺毛文龍又入民謠咸謏滿  
帥而以督師前奏捷爲欺十二月朔日上復召督

師暨帥祖廷對面責督師胸縮不戰狀滿帥亦在  
上前謾糾督師奸欺昔在薊州何以力阻劉總督兵  
不同心擊賊放過韃子犯京師督師語塞下詔  
獄卽令滿桂總理各鎮軍務不復設文臣經畧祖帥  
惶恐而出翌日軍城下督師暴繫城上中貴多謾罵  
遼東人有二心或飛石擊之祖遂率其一軍東歸過  
通州關部遣石都司招之泣陳京兵咸指遼兵爲奸  
細從城上拋石擊死五六人遼兵逃死耳寧隨返信  
地束身待罪關部爲疏陳上下旨慰安令立功

自効先是閩部初至以馬世龍雅故請出之獄復其  
官稍稍集其家丁舊部營城下閩部慮祖帥有他則  
以諭帖便宜遣馬師往追直抵關祖帥已開關出  
馬帥力爲講解朝議復用閩部駐關上鎮之祖帥  
毋忠智識大義亦大罵祖帥曰朝廷有惡汝今不  
顧門戶家族耶我老婦人不能爲汝擊獄沒作官婢  
祖帥乃愴然曰關云當關而以便宜遣馬帥時京城  
人蜚語亦洶洶及報祖帥開關而後喜可知也時奴  
見京城守禦嚴西洋砲一擊十數里皆難近攻思絕

我外拔已乃移兵之良鄉良城斗大先爲西兵拊空  
莫可守奴至直入殺三千人遂謀攻涿州上聞卽  
令樞部發兵往援未有馳赴者幸李總河若星山東  
巡撫王從義山西巡撫耿如杞保定巡撫解經傳次  
第入衛故馮輔銓家于涿亦捐資募人共守會西洋  
大砲至涿安設城上連發如雷震奴距涿三十里不  
敢近乃掠固安房山霸州一帶固安令劉伸初亦督  
兵民守禦甚力厥後不能支奴怒其拒命入城屠戮  
甚慘伸帶印匿死屍中得免其家口七十人無一畱

者奴至房山城外神廟有道人趨前獻茶因動以先世陵墓在房房民固守陵戶也酋大喜遂不甚加害霸州駐有兵備道先托故他適奴兵至士民悉跳僅存空城門大開酋洞旋不敢入所擄掠子女財物充牣于路用騾車輦去從原道運山口且馳視京城未旬已因復返良鄉進發自虜去固安日前各鎮兵集涿者俱已抵都中左司馬用懋旣正樞席因令諸將畫地分營令各摩勵以須而總節制于滿帥中亦離滿帥四拜滿帥受總理命且半月亦奮欲殲奴自効

則同孫祖壽麻登雲黑雲龍三帥軍標巷以待先是  
有布衣申甫者故南京僧蓄髮爲山人與度常金聲  
游慷慨談兵自稱習車戰聲特薦于上召對稱  
旨授以都司甫不欲受人節制旋擢爲京營副將聽  
其招兵訓練自成一軍卽改聲爲御史監其軍押督  
糧運至是草草造戰車已具器仗糧料如所請乃所  
募皆燕市游手傭徒十二月十四日自京起行次日  
將至蘆溝橋奴卒至帥未成列奴騎側衝陣後甫與  
諸兵卒盡陷沒奴則至橋巷滿帥等四營悉出戰頗



用砲擊死彼千餘實皆我降民剃髮者奴僞退十里  
我兵追擊又僞退十里至夜潛兵以進首劫孫營兵  
爲遮斫殆盡滿帥等始覺倖起敵各營皆已被奴兵  
潛入反燒我火藥擊我鏡砲煙焰漫蔽各亂兵踣藉  
不得出任其遮斫滿孫二帥皆陷沒麻黑不知所往  
或曰爲奴所擒云時十二月十七日也初奴僞退時  
道路謠言我兵殺奴騎且盡殘兵無幾行遁去京中  
小民沿街拍手相慶部司報聞 上傳旨云賊夷殺  
詐須探諜精明不得但據道路之口逾日偵聞始知

申甫一軍皆沒滿帥等四營全潰尚未審奴之去向也奴前掠畿旁州縣時老營仍割南海子遊騎往來不絕多出沒西山煤運中斷京城煤價每斤至十錢柴半之小民艱于舉火且藥局暨倉場屢火不無奸闌歲底刑部獄囚更燬房逸出思逞使奴酋尚在郊圻事且叵測在京小夫懷臣之徒憤眊不知所爲計不幸作大馬決而已中外邸報俱壅闕不通各省巡撫選兵入援多中道奉旨回惟甘肅巡撫梅之煥萬里入援次年抵京坐兵噪罷歸爲總兵分過也是

時全倚聖主如天之福奴都督阿卜泰感病思歸遂援營而東數日而京兆遣人探知始出示安民云

上亟

命諫部禮部陣亡殮滿孫二帥遣宗伯致祭

令京兆掩骼埋胔仍責職方兵垣查卹不早鑄級視事申甫所募兵八千僅存隨金聲押運者七百人而已中貴謂其費金錢鉅萬師徒撓敗閱然晉聲亦上書自劾上以甫本念亦忠仍宜從卹于聲不之責也奴之東行孫淑縣近郊至張灣燒盡守東糧艘入灣城殺三千餘人擄掠子女衣帛踏河水就裝去

往香河寶砥寶砥令史應聘有知畧聞奴來卽于各  
神廟暨鄉紳家素有青黃蓋若干張置城上又令人  
扮巧者推近奴營俟其詰問詭稱各鎮將領入京適  
集此奴遂不通徑往永平時陝西及延綏寧夏各總  
兵奉 詔勤王兵具列城外無端統科臣請復 詔  
設經畧部院 上因新遵撫梁公廷棟 召對有條  
理 命之總督申司馬以不稱罷徵聞武臣中有不  
樂文臣節制者密疏于 上乃晉梁本兵而擢馬帥  
爲總理發延綏總兵吳自勉保定總兵曹鵬雷先往

二  
衛駐防截奴歸路馬帥方自關上率兵五千入京  
途遇酋護軍者用砲擊殺劍斬百餘級稍奪回輜重  
子女入城陛見上重加賞賚仍命其亟趨關寧馬  
帥遂于庚午正月初二日陛辭北行初三日報奴  
入永平境遷安令投降次日設餞郊外郡有自養粹  
者備兵開原道時與奴有雅故獻永平城率百姓鼓  
吹迎奴入矣馬帥阻不得前進仍與吳監軍御史阿  
衡駐劄奴既拔永遵二城大隊直往關寧我兵中隔  
聲息莫通所幸遼帥祖大壽前受慰撫捧詔感泣

已率銳士入關受閤部指揮。疾力賊奴死砲下約六  
七百。遂不敢前。關門賴以屹立。又劉興祚卽劉愛塔  
先入奴巢爲堦跳歸東江。後至關。帶有健丁路倅與  
酋直亦擊殺數百人。身竟被創死。又永平屬昌黎令  
左應選係晉人。彊力果毅。督兵固守其邑。酋攻圍七  
八日。疾力布梯欲登。多被矢石擊死。竟不得志去。第  
益兵往遵化護輜重。從原口出。大隊仍駐永平京營。  
副協理劉之綸原以庶常請纒者。召對時稱。然皆  
感恩欲自効。當奴退時奮勢請領兵追襲。除日離京。

沿途值奴零騎亦有斬獲功至是與馬帥運軍薊東  
籌度前進奴以婦女爲間詒之日遵城空可襲也因  
進兵誤入奴伏中狼狽失據全軍皆沒馬帥僅以身  
免奴復欲旋師逼薊幸薊城新堅各鎮援將如延綏  
保定皆名宿方大任以巡關驟遷撫薊亦極力支吾  
而總兵楊肇基率孤軍進三屯城守路將金日觀輩  
亦間復當路塞堡奴二三月後凍解奴馬不甚利其  
四子擁大隊漸次從各口東歸我師不能邀亦不能  
知也涉夏天漸熱其守永平興遵化者真箇不甚多

晉我人白氏賈氏者爲之建翁侯中行之策劫百姓  
僞守耳上乃決意命東西合勦至五月十三日祖  
帥提遼兵丘禾嘉監之總理馬帥及閔帥宋倬亦提  
兵往奮勢奪灤州用西洋砲打死城上人碎其樓殊  
死賊祖帥度惡攻死鬪勢必兩傷乃闕其北面之圍  
暫休我師彼勢窘當必宵遁伏兵邀之當路是夜果  
遁明日復灤州祖帥功居最永平酋偵其故遂大殺  
永平人尸塞路亦遁遵化遷安諸縣爲奴守者不三  
日而聞風披靡盡恢復薊督張公鳳翼與楊肇基吳



自勉王威楊麒監川兵者劉可訓乘瀼州勝勢如破竹與有功上喜大賚闕士晉内外文武功勞爵蔭先逮繫失事與援軍無紀律者總督劉策巡撫耿如杞郭之琮總兵張鴻功侯世祿各論斬戍有差繫獄中族諸叛人如賈馬輩磔袁崇煥于市以正其主款通夷開門揖寇之罪誅賞赫然立限督撫完繕當路塞以一中貴人與一御史視工晝夜有程課涉冬邊堅○埃○設○將○勇○士○勵○通○昌○薊○密○關○永○等○處○增○設○文○武○重○臣陳利兵而誰何庶幾乎怒形而千里竦威振而萬

物伏者微

上英武素定廟勝之冊不及此諸臣敢

佻天爲已力耶

前本從信錄後皆熊司馬青玉堂集

黃太穉策曰讀詩至六月之章云玁狁匪茹整

居焦獲侵鎬及方至于涇陽意謂此夷狄深入

內地之始漢文帝後元之六年冬匈奴六萬騎

入雲中上郡烽火至達甘泉以唐太宗神武初

平內難突厥頡利亦以其年進至渭水便橋之

北宋則景德澶淵之役邊書告急一名五至其

在我朝

世宗肅皇帝庚戌虜循潮河川南

下○至○古○北○仍○從○間○道○踰○嶺○潰○牆○入○突○犯○京○師○  
掠○十○餘○日○遁○去○併○昨○歲○逆○奴○犯○順○輒○蹂○躪○遵○永○  
良○固○之○間○蓋○自○漢○以○來○凡○五○見○云○盱○衡○論○之○唐○  
貞○觀○尚○矣○從○六○騎○挺○身○出○徑○詣○渭○西○與○頡○利○隔○  
水○而○語○遂○以○成○盟○御○如○御○風○還○如○收○電○此○以○人○  
主○而○躬○總○將○相○之○事○千○載○一○時○者○也○漢○得○良○將○  
次○之○宋○得○良○相○又○次○之○漢○雖○發○六○將○軍○備○胡○霜○  
上○棘○門○直○兒○戲○耳○獨○一○周○亞○夫○亦○非○著○有○斬○獲○  
功○會○天○幸○虜○自○遠○塞○故○當○次○唐○若○宋○人○且○以○萬○

乘之尊爲之孤注。恭惡矣。冠準誠負社稷功。而  
所盡策已不盡。用金繒歲幣。遂爲千載禍端。當  
復次漢。雖然。後之爲相有能如準者乎。其爲將  
有如亞夫者乎。豈惟不能抑。亦不敢乘。與且至  
矣。而壁門不啓。羽書狎警矣。而飲博自如。違慢  
欺忽。勢將操文墨議其後。何功之圖。卽禍且不  
免。則非獨非將相賢也。當時人心近古。紀律明  
議論省。固非後世可幾者乎。庚戌之變。相太專。  
將太狡。饑狼黠鼠。互相影藉。賴  
肅皇帝如

天之威靈薄言震之而有君無臣故其效遠不  
逮漢宋然以視今日何如也庚戌緣三衛勾虜  
今緣束公奴其嚮導同庚戌虜攻薊佯綴我師  
而別以精騎出師後今奴亦越寧錦而別從大  
安龍井入其道徑同偵候不力莫知虜遠近多  
寡其耳目同入援兵率驕蹇易潰因而肆掠其  
調度同大司馬得禍諸法吏屢繫請室而別出  
罪帥于縲紲中其賞罰同所殺傷人畜羸數百  
萬其劫數同虜旣遷延思道莫能一大創之而

徒尾護其出。割所餘零級爲功。其始末情事無  
弗同者。然曩僅十餘日。近則腥羶內地久之矣。  
曩順義懷柔三河昌平諸州邑村落雖殘未甚  
也。近則名城坐隳。幾乎客爲主矣。曩諸道兵  
聞警疾馳。不數日壁城下者。遂可得五萬餘。而  
近則爰居爰處。甚或委而去之矣。曩人心未改。  
近有辨髮解衽。見于士紳者矣。曩所召募猶近  
畿諸道六郡良家子也。近徵發偏海內矣。相去  
八十載。故老尚有存者。云事事遠類庚戌事事。

遠不逮庚戌所恃 皇謨淵塞 神威雷暢真

步武

肅皇一時文武諸臣亦非有專如其

相狡如其將故楊守所之誅未行而趙貞吉之

策數進按臣駐通之畧雅迫王忬而農部給餉

之斂亦復隄勝李翱止此數端差強人意耳若

乃其弊端概始天時人事之乖錯頗亦有可論

者使高臺壑不齋盜糧束未必不坐困使鋒臺

兵不汰明哨暗哨諸賞格科條不槩從裁削奴

未必遽抵違卽抵違亦預有以禦之不至遽陷

卽陷而朝端亦應疾聞之不致疑存疑陷者數  
日如在夢囈中使關寧將吏初得報卽厚集其  
驍銳○驚舉電馳○避擊要害○不僅以七千人跟  
踰就道○奴未必遽越薊而西○使烏帥不擅誅虎  
釋穴○罷搏其子○奴亦未必不內顧○使滿帥不虛  
冒重衝○早設一文臣○總其師中權○後勁勢相犄  
角○卽遼人不至自疑○奴卽聚衝之○未必立敗○逮  
奴旣踰薊穴○遵使薊密三屯諸帥○蚤全心戮力○  
潛師邀躡之○遵未必不卽復○或日驟躡之○保無



他虞協樞之覆業見于前車矣是不然夫奴之  
謀○遵○也○不○如○其○謀○永○甚○遵○寡○叛○民○而○永○率○叛○吏○  
也○遵○彈○九○黑○子○而○永○且○踣○有○數○邑○一○州○也○又○遵○  
經○焚○燬○之○餘○永○無○恙○也○是○則○復○遵○易○復○永○難○今○  
以○涼○河○一○戰○關○兵○遂○易○其○所○難○而○謂○友○將○擄○兵○  
符○在○手○蚤○事○驅○除○反○難○其○所○易○者○無○是○理○也○且○  
使○諸○帥○果○同○心○戮○力○併○協○樞○未○必○卽○覆○於○戲○禍○  
患○之○作○天○之○所○以○開○聖○人○也○天○將○有○以○開○之○  
其○勝○負○倚○伏○類○有○出○人○智○力○之○外○者○故○或○多○外○

懼以典或數勝也以始誠爲漢計與其募南無  
王庭海內虛耗寧烽火達甘泉焉可也誠爲宋  
計與其澶淵旣和之後東封西禪日奉妖書而  
告之也寧夕夕告急焉可也同一突厥頡利耳

貞觀初年刑白馬與盟渭橋之上而其後遂俘  
送京師未央開宴躬自起舞太鳥知其小喜也  
非所以驕之耶鳥知夫四郊多壘之不卽爲福  
耶非姑嘗試之耶且夫兵之爲道可知而不可  
言可言而不可嗜使其君臣上下常若有好大

喜功開疆闢土之一念橫其胸中殺機內動診  
氣上騰固亦天地神明所弗福也數年以來

皇上實不勝焦勞憊憊以救民水火之中爲急

詎意有當事之臣讒而中焉得肆爲誇張誕謾

之談于是平糶以五年爲期餉以五百萬爲率

馬騾料豆衣裝器械費復稱是盡天下之意嚮  
精力悉驅而歸之復遼兩字而後已 廟堂舍

是若無復政刑臺鎮舍是若無復議論外之藩

臬守令舍是無所爲撫芽催科併山林草澤章

縫罽注之流舍是無所爲功名富貴其究也馴  
至兵連禍結民怨神愁遼尺地不可復 畿輔  
生靈漂血僵屍流離載野而當事之臣卒亦躬  
罹其禍問嘗以○往○史○徵○之○自○古○及○今○未○有○人○臣  
好○貪○功○忍○殺○爲○天○下○先○而○禍○不○反○中○者○也○漢○御  
史大夫晁錯○大行王恢其證也○夫復遼之名非  
不見爲甚美○卽我 皇上所爲宵旰圖維強兵  
富國○惓惓欲救民水火之心○亦非不無見于天  
下○然而兵一動不可復息財一匱不可復生如

火焚林如水決漏蓋亦其勢所必至而矧曩急  
遼茲復惡薊遼急不得已罄士馬金錢精銳膏  
血悉輸之遼薊急復安從輸哉世豈有不涸之  
源常儲之蠓女者哉茲何時也安酋負固于黔  
滇海寇披猖于閩粵流賊鴟張于關隴蓮妖蠶  
動于青齊椎埋鼓鑄說劍造譎所在生心近中  
州山右之間又復見告畿東數州郡之瘡痍捐  
瘠既未可卒復省直入百萬之加派雜項既未  
可卒蠲而兼之援卒釋騷京卿四出舊欠新逋

雖然並徵卽有冰旱盜賊轉徙流亡之災官不敢議題。臣民不敢希賑恤。鳥壤則。戰窮則。搜所可爲過計。深憂者恐不在蘓遼。而卽在窮簷之內也。以愚度之。遼自河西抵關外。逶迤七百里。而遙奴明旣脫其地。棄以餌我。我卽不復彼。亦不爭遼。固無慮也。聞奴謀愈狡。近復棄其南。衛東山老寨千餘里。而徙築遼陽舊城。其地距潘家口諸處。不五日可至。頃犯蘓寔循此道是。則蘓之可慮更急于遼。抑奴運亦何常之有。勇

怯視部落盛衰視畜產去來逆順視中國堅瑕  
奴寔亦無能爲也卽如昨歲者祖帥東歸遺戈  
滿地斯人心震懾之一時也而卒之 明敕驟  
頒旋爭感泣滿帥戰北聚骨成丘斯又人心震  
懾之一時也而卒之狂謀中折旋就救寧外有  
強敵臨門之警內有逸酋擾市之驚子夜紛紜  
訛言四起斯又人心震懾之一時也而卒之擒  
獲于俄頃之間旋亦帖然底定于以知 聖主  
恩深 明時福大蠢爾逆氛 天厭之久矣夫

其越閭寧而不知防得永遵而不解守畏通豕  
而不敢攻攻寶抵昌黎而不能下孤軍深入捆  
載潛歸漁色甘淫窮酣恣殺吾以知其無能爲  
也彼傷重創巨固鼠竄非敢再圖卽不然度以  
一丸泥斷塞之足矣故爲今計除修邊牆復臺  
卒激澄將吏簡練援兵構求屯鹽諸寔著急著  
爲所當舉行而此外亟願我皇上追懲往事  
回結人心慨然明告天下以休養生息數十  
年然後爲一舉萬全之師是則禦戎上策竟以



漢文帝爲正唐仍次漢宋仍次唐太宗之神武  
不如文帝之恭儉而後之爲臣子者卽其善斷  
如準持重如亞夫終亦不可忘李文靖富韓公  
老成憂國之意逮夫內侮旣修兵威旣振事一  
來不可復失則惟靜以俟天時之自至而已矣  
夫以庚戌之橫也不二紀而僊客稱臣稽首納  
貢享五十載清寧之福夷德無極虜運無終茲  
固其天亡之時也 聖明在上愚請置六月之  
歌而嗣廟爲九如以 獻